

四庫全書

子部

欽定四庫全書

子部

古今源流至論後集卷一

詳校官中書臣程炎

主事臣祁韻士覆勘

總校官庶吉士臣倉聖脉

校對官中書臣潘奕萬

謄錄監生臣俞昌言

欽定四庫全書

古今源流至論後集卷一

宋 林駟 撰

道學

道學之說帝王以前無有也立我烝氏莫匪爾極不識不知順帝之則斯時也吾道隱然於危微授受之間而道學之說不立遵王之義無偏無陂遵王之路無反無側斯時也吾道渾然於彛倫攸叙之際而道學之說不聞故在上者惟知有道統之傳在下者惟知有道化之

盛人極以之立元化以之運世道以之清殆猶元氣淪  
渾未散初莫知吾道為何物也自周轍不西皇極之主  
弗作而吾道之脉已微天生素王出力興起繼以亞聖  
相為扶持懼賊亂以簡嚴一字之春秋塞楊墨以明白  
七篇之仁義君臣父子之道復立禮義忠信之教復興  
天地之運已息而復繼人物之倫幾亂而復叙此孔孟  
有皇極之德無皇極之位所以有道學之名也嗚呼天  
日常明宇宙常清天下而常有帝王正學而常有孔孟

則符契若合閔百聖而如一人統緒相承歷萬世而如  
一日奈一壞於秦人之刑名而道之正學湮微再壞於  
漢人之黃老而道之正學分裂大壞於梁陳隋唐寂滅  
之教而道之正學幾無餘澤噫可歎也嘗謂天下不可  
一日無儒學之功也故其達於朝廷之上施諸典章措  
諸政化則天下顯然享斯道之福及其隱於師友之間  
形諸問答見諸著述則天下猶陰被斯道之澤至上無  
宗主下無扶持而波蕩於異端之流則生民之禍始興

矣韓昌黎謂軻之後不得其傳信夫此伊川先生亦以

為至論也歟

韓文原道篇云道之大原出乎天堯以是傳之舜云云軻之後不得其傳焉又伊川

云退之晚年為文所得甚多如軻之後不得其傳之語非蹈襲空虛而得之

雖然文不喪天

道未墜地百世而下必有我師至於本朝濂溪浚其源

伊洛導其流橫渠助其濶揖堯舜於夢寐之間授孔孟

於講論之頃景星鳳凰天下快覩太山北斗學者依歸

故性理言其二氣五行動靜言其四時萬物誠論其元

亨利貞道論其中正仁義則發於通書之數篇

通書性理命篇

曰二氣五行化生萬物五殊二實二本則一是萬為一  
一實萬分萬一各正小大有定 又動靜篇水陰根陽  
火陽根陰五行陰陽陰陽太極四時運行萬物終始混  
兮闢兮其無窮兮 又誠篇曰誠者聖人之本 大哉  
乾元萬物資始誠之源也乾道變化各正性命誠斯立  
焉純粹至善者也元亨誠之通利貞誠之復大哉易也  
性命之源乎 又道篇曰聖人之道仁義中正而已矣  
守之貴行之利廓之配天地豈不易簡豈為難知不守  
不行不 廓耳 無極而太極太極而兩儀兩儀而五氣五氣而

四時則見於太極之一圖

太極圖曰無極而太極太極動而生陽動極而靜靜而生

陰靜極復動一動一靜互為其根分陰分陽兩儀立焉陽變陰合而生水火木金土五氣順布四時行焉玉

淵金井志慮高潔

趙閱道贈周茂叔詩心似冰光風霽

月胃次灑落

黃庭堅灑落如光風霽月好讀書推意林壑初不

為人此灑溪之學本乎易之太極然也

張敬夫作周灑溪祠堂記本乎

易之太極中庸之誠論性別其所稟本然之殊

伊川曰性相近此言所稟之性非言

性之本若言其本豈可言相近孟子言性善性之本也性之本則無不善所稟之性有善有不善

論心

辨其曰虛曰實之異

伊川訓門人謂心有所主則虛排明道告與叔謂心有所主則實排

異端必正其枯槁恣肆之弊

明道謂異端之教滯固者入於枯槁疏通者歸於恣

肆自致知至於知止誠意至於平天下洒掃應對至於

窮理盡性

伊川撰明道行狀先生之言平易易知賢愚皆獲其益如羣飲於河各充其量先生教人



自致知至於知止誠意至於平天下以誠敬為入門踐

履為實地暗室屋漏為謹獨之所河南語錄托興吟風充然

有得

明道語錄詩可以興某自再見周茂叔後吟風弄月以歸有吾與點也之意

瞑目立雪

望之凜然

游定夫楊中立見伊川坐而瞑目二子立不敢去退則門外雪深尺餘矣其嚴厲也如此

此伊洛之學本乎中庸之誠然也伊川行狀訂頑砭愚有亞

聖性善養氣之論

橫渠學堂右書訂頑左書砭愚伊川曰是起爭端改訂頑曰西銘砭愚曰

東銘明道曰訂頑之言極淳正無雜楊中立曰西銘言體不及用恐流於蕪愛伊川曰橫渠立言誠有過處乃

在正蒙西銘推理存義擴前聖所未發與孟子性善養氣說同正蒙理窟發前聖所未

言之蘊

橫渠有理窟一集論經又止蒙一書

正容謹節凜若神明窮理盡

性瑩如冰雪此橫渠之學又自禮法而入也

橫渠語錄然嘗

觀劉立之言曰程氏從汝南周茂叔問學窮性命之

理則知程氏之學出於濂溪也信矣

河間劉立之曰明道從汝南周茂叔

問學窮性命之理率性會道體道成德出處孔孟從容不勉又哲宗徽宗實錄伊川年十四五與明道同受業於春陵周茂叔先生又觀游定夫之言曰張子厚少好言邊旣而

得聞程氏論議乃盡棄所學從事於道虛心求益懇懇

不及則知張氏之學得於伊洛也信矣

建安游酢曰明道先生生而有

妙質聞道甚早年逾冠明誠交資張子厚友而師之子  
厚少時自居其才謂提騎卒數萬可橫行匈奴視叛羗  
為易與耳故從之游者各能道邊事既而得聞明道先  
生論議乃謝其徒盡弃其舊學以從事於道其視先生  
雖外兄弟之子而虛心求益懇懇如不及後子厚學成  
德尊識者謂與孟子比 龜山跋橫渠與伊川簡橫渠  
之學出於程氏而關中諸生尊其師 愚竊論之道學猶  
欲自為一家故子錄此簡以示學者

元氣也周流今古罔有間斷風雨有晦冥日月有薄蝕  
而此道不泯也世變有汙隆治道有興衰而此道終存  
也且涪陵之謫學禁甚嚴黨人至有五鬼之號吾道嘗

一蝕矣

紹聖間以黨論放歸田里四年十一月送涪州  
編管又崇寧初元祐學有禁孔文仲奏伊川

欽定四庫全書

卷一

歷致議諫騰口問亂以償恩  
雖故市井目為五鬼之魁

而至高宗中興召用門弟

歸然如靈光之獨立士夫不能無歎羨之嘆而正學幾

晦而復彰夫奚害

胡安國墓誌及中興本末云建炎初故崇政殿說書河南程頤以道學為

天下倡其門人高弟有故監察御史建陽游酢與今徽猷閣待制將樂楊時是也以時為工部侍郎年七十九矣及入對有言聖賢之君未有不以典學為務者以君德在是故也尋詔時無侍講是時如右丞許景衡右文殿修撰胡安國左司郎中吳給殿中左侍御史馬伸皆號得頤之學安國崇安人給項城人也

濠梁之

役趙公求去或者有高視闊步之譏吾道嘗再蝕矣

紹興

張魏公敗劉旂於濠州上曰却賊之功盡出右相之力於是趙鼎惶懼乞去時鼎既出補外董朱繼出時譏其

高視闊步  
以為行

而趙公再相汲引善類藹然於縉紳之間而

正學幾微而復盛夫奚病

趙鼎後再相復汲引胡堇劉朱諸賢當時其黨復盛秦

黨不便於趙而劉大中之徒復相繼而去吾道又嘗再

蝕矣

秦檜主和議不便趙鼎之黨劉大中之徒於是求出

而慶元初年大儒設教

振衣雲集屈致講帷吾教有光焉而正學幾墜而復振

夫奚損

慶元初召用朱文公為侍講文公祖伊洛之學故也

自是而後或廢或興

不知幾變未易盡言而伊洛源流至今流行益盛也噫

以道傳學在士大夫固為有功而以道名學在士大夫

不能無過節義盛於漢而衰於漢清流盛於唐而衰於唐道學之實隱然於冥冥之中是乃吾道之幸而道學之名矯矯然表暴於世者非士君子之福何者正學與邪學不兩立正人與邪人不兩用一消一長之間道學所由顯晦之機也前日偽學之事可鑒矣吁可畏哉元城了翁曰願士大夫立此名節不願士大夫立此門戶愚亦曰願士大夫傳道學之實不願士大夫唱道學之名

## 格物之學

人皆學解牛吾獨得養生

莊子

人皆學舞劍吾獨得草

書

張

此格物之功用也至誠之未盡則鳶魚之不察

機心之一露則鷗鳥之不下此格物之本原也夫天地之間皆物也至粗者物之迹至精者物之理角者吾知其為牛鬣者吾知其為馬非迹乎橋梓之父子鴻鴈之兄弟非理乎當因其迹而求其理不當忘其理而泥其迹也是學也必意誠心正而後可以明是理而私偽梏

亡者不可以明是理必知周見徹而後可以明是理而人慾蔽塞者不可以明是理中庸言格物之妙本於誠意七篇所論備物者亦以反身而誠者先之獨不觀聖門之學乎顏子感常山之鳥知東野之馬悟也

家語

而不

知是理得於心齋坐忘之頃曾子造舍瑟之趣托浴

沂之樂妙也

論語

蓋詠歌而歸天真默悟非可以迹求

之粵自杏壇迹熄槐市響絕後之所謂格者不累於物則離於物寥寥千載能續曾顏之學者惟我朝闕洛諸



公有得焉嘗攷諸君子之學有知者固格之而無知者亦格也有形者固造之而無形者亦造也探其原邈其蘊蓋自誠敬得之伊洛之學尸居而龍見淵默而雷聲以誠敬為入門以踐履為實地關中之學下學而上達文章而天性以正容謹節為本以窮理盡性為用之君子者燭理既融見理已到一性澄徹萬善昭融以之格物何物非我以之明理何理非天蠢而鳥獸塊而金石幽而造化悉歸吾性分之中自今今觀之見鳥集而知機

心之不生非妄也即傷弓飛鳥見曲高舉之意也

伊川指庭

下羣雀曰地上之有物則羣雀集而食之故與之則不即來食須久乃集蓋人有意在爾若負粟者過適遺下則便集而食矣云云聞驢鳴而知已意之自若非誕也即鼓琴得

趣六馬仰秣之旨耳

周茂叔窻前草不除問之云與自家意思一般子厚聞驢鳴亦謂如

此

中孚一感可及豚魚信乎狗有吠屠之靈

伊川曰犬吠屠人世

傳有物隨之非也此正如海鷗爾又易中孚卦

春燕秋鴻各隨寒暑信乎雉為

盛陽之物

伊川曰雉尾長故極陽兔尾短故極陰

此有知之物固易知也

若夫有生而無知有形而不動者亦明之吳江楓葉秋

古人固以物而知時而今觀梅枝而知乾坤者信矣

梅早

冬至以前發方一陽未生然則發生何也其榮其枯此萬物一箇陰陽升降之節也然逐枝自有榮枯分限不齊各有一乾坤也伊川語錄寒城菊自花前賢詠其物之有操而今

謂草木之有恕心者信矣

有問明道曰如何謂之恕心曰充廣得去為恕心如何是

充廣得去曰天地變化草木繁充廣不去如何曰天地閉賢人隱又杜詩此有形之物亦

易知也至於無形之可觀無迹之可驗運於茫昧者亦知之一氣升降未易管蠡今觀石壇之潤而探天地升降之妙若迂矣然礎石之迹一潤而在天之雨必至非

為迂也

程先生遊西湖在石壇上坐少頃脚踏處濕舉起曰便見天地升降道理慘舒迭運

周流穹壤今以一瓶之粗而指陰陽消長之義若怪矣

然豐山之鍾方鳴而霜降之候已應非為怪也

程先生見火邊

湯瓶指之曰此便見陰陽消長之義

格物至是信無一物之不格也噫論

關洛格物之學不先求其正心誠意窮理盡性之妙而

謂今日格一物明日格一物以為所格在是亦不足語

大學之道

或問伊川格物須是物物格之還只格一物而萬理皆知曰今日格一物明日格一物積

習既久然後曉

然自有貫通處

# 師道

愚嘗退而靜思士君子以身立天地間其不可負不可慢者三曰君曰父而師與焉夫生而為人業而為士戴天履地而靈於萬物不至於斷喪磨滅擯棄彫落是誰之力歟富貴安佚我者君也鞠育覆護我者父也而誘掖訓導啓迪成就我者師也人能忠而君孝而父此固職分之常苟棄所學倍其師將何自立於俯仰間乎昔者孔子以布衣匹夫而衣冠禮樂足以師表一世其門

人弟子不遠數千里而從之雖飢寒流落擯於死而不  
去寧從陳蔡之厄而不忍棄絃歌之誨寧處匡人之圍  
而不敢叛聖門之教

論語

寧有漢兵之圍魯共王之難而

詩書金石之聲不敢忘也

漢兵項羽傳及魯共王序

噫此其有補於

世教豈淺淺哉木鐸響絕杏壇迹蕪師道之不絕也如

綫授子夏之學者虛無其說

田子方

傳荀卿之業者刑名

其家

李斯

操戈入室幾百年于茲矣蓋可嘆也漢之諸儒

爭開戶牖徃徃有自棄之心唐之諸儒呌噬狂走亦

有厭薄之見方漢家蠹簡有所師承守穀梁者不敢

從左氏

劉歆諸人習左氏不從公穀

習韓詩者不敢尚齊魯

儒林傳

非

不守師教也然劉歆受學方進矛盾戶庭其視左氏春

秋之學謂何

本傳

林吉從師周堪失身匪人其視夏侯尚

書之學安在

儒林傳

嗚呼習羿之藝云彎弓反射漢儒何

忍哉方唐家崇尚儒術願承模楷從武公之教者升

堂而游抱琴而歌

韓文上巳日燕太學聽彈琴詩序

薰陽城之德者

詣闕而留抗疏而請

唐書陽城傳

非不尊師道也然昌黎一

代山斗百川東之且不能保籍湜之不叛

韓文與孟簡書

子厚

衡湘以南皆師之至答韋中立一書恐恐然群怪聚罵

之議

柳文答韋中立論師道書今之世不聞有師有執諱笑之以為狂人獨韓愈奮不顧流俗犯笑侮收

召後學作師說因抗顏為師世果羣怪聚罵指伺牽引而操與為言詞愈以是得狂名居長安炊不暇熟又挈之而東如是者數矣黨性聞庸蜀之南常雨少日日出則犬吠云云

嗚呼見雪而走望日

而吠唐儒何怪哉

見上

甚矣師道不可一日不存也為天

地立心為生民立極者師也為前聖繼絕學為天下

開太平者師也不然河汾王氏師友講習而能開三百



載之唐者師亦何負於人耶一時從遊謀如房斷如杜

直如魏智如李方布衣窮悴之時直期以公輔之器異

時以論諫稱以征伐顯以輔贊彌縫著稽其夙志無不

酬然

文中子

孔孟而下而能得師友淵源者河汾一人而

已此師道不可一日不存也得洙泗之源流接河汾之

支派吾於先正諸公有望焉安定之在湖以體用學也

家塾記安定先生胡瑗慶歷中教學蘇湖間束脩弟子以數千計時方尚詞賦獨湖學以經義及時務學中故

有經義齋

康節之在洛以象數學也

康節傳李挺明復之象數之學

之在泰山以經學也

墓誌孫復字明復後居太山學春秋著尊王發微十二篇

自周

而程自程而張又以性理之學也

張敬夫祠堂記周敦頤字茂叔起於遠方

超然自得本乎易之太極中庸之誠以極天地萬物之變化其教人使之志伊尹之志學顏子之學推之於治禮樂刑政可舉而行於是二程兄弟推明皇極之學楊龜山跋橫渠與伊川簡橫渠之學出於程氏而關中諸生尊其師欲自為一家故子錄此簡以示學者安定先生其體仁義禮樂其文

詩書史傳其用則潤澤生民歸於皇極凡從而學者其

醇厚和易之氣望之可知

熙寧十年劉彛召對上問從學何人曰少從安定臣聞聖

人之道有體有用有文君臣父子仁義禮樂體也詩書史傳子集文也舉而措之天下用也累朝取士不以體

用為本而尚浮華之詞是以風俗偷薄瑗當寶元明道  
間明體用之學授諸生始自蘇湖終於太學出其門者  
無慮二千餘人學者明體用以為政教之本臣師之力  
也上曰門人在朝為誰曰錢藻之淵篤孫覺之純明范  
純仁之直溫錢公輔之簡諒其在外明體適用數十輩  
其餘政事文學不可勝數又聞見錄安定教人有法  
伊川曰凡從安定先生學者其道德賢材多為歌詠陽

脩詩曰吳興先生富道棟梁桶橈極口稱美

王荆公詩曰先取先

德說說弟子皆賢材  
生作棟梁以次錢藻之淵篤孫覺之純明純仁之直溫

叔拾桶與橈  
見藹然為一代之盛此東南諸生皆能明體適用無愧

於安定之門也康節先生先天易數以發乾坤之蘊節

傳李挺之  
先天易

皇極經世以續彝倫之傳

陳瓘曰先天之學心法也其學

在心或於心外欲觀休咎故以皇極為名數之書

其得之李挺之穆伯長之源

流蓋非一日

陳搏學易以數學授穆脩伯長脩授李之才挺之才授康節先生

衛之學

者捨學而學

門人張嶠撰行狀大名王豫天性瑰瑋博達之士也精於易聞先生之篤志愛而欲

授之既與之語三日得所未聞始大驚服卒捨其學而學焉

洛之士夫

薰德而化

明道先生撰墓誌在洛幾三十年講學於家未嘗強以語人而就問者日衆鄉里化之遠

近尊之云云其與人言必依於忠信仁義樂道人之善而未嘗攻其惡故賢者悅其德不賢者服其化

章

子厚欲傳其學而不之許

章子厚從先生遊欲傳數學先生曰須十年不仕乃可蓋

不之許也。邢和叔欲傳其學而亦不之許。邢和叔從康節學援引古今康節曰

先天學未有許多言語且當虛心潛慮上蔡語錄邢恕要學堯夫不肯曰徒長奸雄此先生不輕

於授人而人亦不忍負於先生也太山先生不惑傳注

不為曲說自著尊王發微之書道德高邁而李丞相孔

給事皆尊事之

歐公撰墓誌先生少舉進士不中退居太山之陽著春秋注尊王發微魯之學

者其尤賢而有道者石介自介而下皆以弟子事之李丞相廸以其弟之女妻之孔給事道輔為人剛直嚴重

不妄與人聞先生之風就見之介執杖屨侍左右先生坐則立升降拜起則扶之及其往謝也亦然一時

學者如石守道張洞蓋魯人之所尚北面授經講問不

急親執杖屨從容左右於是學者知有師弟子之禮

渥水

燕談孫明復先生居太山之陽道純德備深於春秋守道率張洞北面而師之訪問講解日夕不怠明復行則從升降拜起則執杖屨以從於是學者始知師弟之禮此太山之道愈尊而師友

之分愈嚴也至若濂溪太極一圖洞窺秘奧通書數篇萬世所宗志伊尹之志學顏子之學超然自得本乎易之道中庸之誠而遊濂溪之門者則有二程諸君子焉

見上程氏春風和氣使人愛慕門外立雪氣象森嚴

侯仲良云

朱公掟見明道歸語人曰光庭在春風中坐了一月游定夫楊中立見伊川坐而瞑目二子不敢去退則門外

雪深尺餘矣其嚴厲如此使天下知有師道之可慕可敬而遊程氏

之門者則有如游如楊如張如馬焉

游定夫楊中立張思叔馬時中皆出

程氏之門橫渠訂頑砭愚其言醇正正蒙一書學者指南

橫渠

學堂雙牖右書訂頑左書砭愚伊川曰是起乎端改訂頑曰西銘砭愚曰東銘明道曰訂頑之言醇正無雜楊中立曰西銘言體不及用恐流於蕪愛關中學者躬行之多至與洛並而

遊橫渠之門者則有呂與叔蘇李明焉

張子厚學成德尊與孟子比然

猶秘其學明道曰今之時當隨其資教之雖識有明暗亦各有得焉子厚用其言故關中學者躬行之多與洛人並呂與叔作橫渠行狀蘇季鳴呼此未足見師教淑明胡氏云季明從橫渠甚多

人之深也不觀宋衛之辱無以知孔門從道之堅不觀

齊梁之沮無以知孟氏諸弟尊師之篤不觀黨禍之慘

無以知伊川門人薰德之久方黨事之起也根連株繫

禍發如矢而張繹屹然砥柱甘心溝壑而不變

張繹字思叔伊

川歸自涪陵思叔始見先生因讀孟子志士不忘在溝壑勇士不忘喪其元始有自得處後更窮理造微方

學禁之嚴也遠邈深逝不敢親承而馬時中歲寒不改

至執贄十反而不已

馬仲字時中崇寧初元祐學有禁仲銳然為親依之計先生以非其

時恐貽公累公執贄凡十反且曰使仲得聞道雖死何憾況不至死乎

吾道可守而夷狄



之法不可徇

伊川自洛歸學者彫落多從佛教獨龜山與謝顯道不變因言學者皆荒於夷狄矣

時呂原明游定夫皆重佛教

則謝顯道其人也

見上

進士可棄而元祐

之學不可議則尹焞其人也

尹焞師事伊川應進士舉策問議誅元祐黨人

焞曰尚可以干祿乎哉不對而出告於程夫子曰吾不復應進士舉矣

嗚呼風雨如晦雞

鳴不已諸君子有焉吾道幾墜而復續性學已晦而復

明至今談伊川之學者歛衽起敬誦伊川之誨者書紳

自守是雖先生善淑之教亦諸君子固守之誠也若夫

王安石從師濂溪而新經等作與向時所學大戾

王荆公從

學濂溪後行新法  
大戾濂溪之教

郭忠孝授經伊川黨事叛去至死不

相往來

崇寧初元祐學有禁奸人用事出其黨為諸路學使專糾其事程先生之門雖素從游者以趨

利叛去郭忠孝自黨事起不與先生相往來及卒亦不致奠

噫長者絕子乎子絕長

者也此在聖門鳴鼓而攻之不暇尚足與語此哉

### 友義

觀昌黎誌子厚之碑則知朋友相處之義不容變

韓文  
柳子

厚墓誌銘云云中山劉夢得禹錫亦在遣中當詣播州子厚泣曰播州非人所居而夢得親在堂吾不忍夢得之窮無辭以白其大人且萬無母子俱往理請於朝將具疏願以柳易播雖重得罪死不悔遇有以夢得事白

上者夢得於是改刺連州嗚呼士窮乃見節義今夫平居里巷相慕悅酒食遊戲相徵逐云一旦臨小利害僅如毛髮反眼

觀丙吉貽弱翁之書又知朋友相規之義

若不相識

不苟同

漢史本傳

噫伐木須友以成民德至於歸厚谷風朋

友之道絕天下至於俗薄以世道升降觀之則朋友之

義亦大矣夫所謂相處之義非結綬彈冠相慶也非平

居笑語詡詡也利害不移貧富不變生死禍福不敢易

其志程嬰杵臼全趙孤於辛苦之中

左傳

張儉李篤脫黨

禍於危疑之頃者是矣

東漢黨錮傳張儉傳

不然杯酒論交傾倒

肺腑少臨利害若不相識屢滿於炙手可熱之時羅

設於一貧一賤之日酈生賣友耳餘交兵

本傳

此市井賤

丈夫之所為其視朋友相處之義果謂何耶夫所謂

相規之義非恕已而攻人也非植黨而激變也學雖同

而不可不切磋情雖孚而不容不各盡所見勅朴平智

不害為交歡之約

漢周勃傳

巡戰遠守不失為相戮力之親

者是矣

唐書本傳

不然舉坐稱善徒示貌親同聲贊美惟恐

拂情有擠井相害之私無推車協濟之意東都黨錮

東漢

黨錮傳

唐人分朋

唐牛僧孺等傳

祗為昵昵相狎之情其視朋友

相規之義果謂何耶大抵握手論心道義相許不盡其所以共患難同甘苦之變此固不足為先施之信苟為國辦事捨公從私以附麗雷同者相勉豈情之真愛之篤哉亦嘗觀先正數君子矣張冠布衣交也冠公雖貴而忠定面折畧不少恕此不以富貴易其心

談藪張冠布衣交也

萊公兄事之忠定常面折不少恕雖貴不改也萊公在岐忠定在蜀還不留旣別顧萊公曰曾讀霍光傳否曰未也萊公歸讀其傳至不

韓李莫逆交也韓公既仕而

學無術笑曰張公謂我矣

李公相從不忍少離此不以窮達變其節

韓億李若谷少嘗同途赴

試共有一被一種每出入則互為僕從後韓先登第李嘗從之其後並為參政

仲淹去國正黨

論方熾之秋士夫畏禍少有送者而王質載酒祖餞留

語數夕禍福果足動乎

仲淹貶士夫畏夷簡少肯送者李絃王質皆載酒往餞質又留

語數夕或謂質質曰希文賢者得為刎黨幸矣

大年補外正人言下石之隙士

夫首竄無有辨者而王曾面排謗議賡詠詩什危疑果

足累乎

楊文公因母病有陽翟之行王文正公恐人害之白上遣使賜醫院而言事者彈劾不已卒以

亞卿分司上嘗語輔臣曰楊億好謗時政王公曰楊億文人必荷國恩若諧謔過當則恐有之至於謗訕臣保

其不為也王公器重文公至深願思其歸乃因中書齋宿覽文公近詩而與趙文定諸時賢繼和上知之乃諭公召文公為秘書監鄒浩言事而去也田畫毅然切責願無以此

舉自滿其贈之厚矣

言行錄  
鄒浩傳

梅聖俞既歿而貧也劉敞

未嘗為人書銘特書碑以助其乏其愛之至矣

言行錄  
劉敞傳

雖然此未足為待之之深也平居相處則稱美之不暇

為國論事則廷爭而無私

長編慶厯五年歐陽脩言杜衍為人清審而謹守規矩仲

淹則恢宏自信而不疑韓琦則純正而質直富弼則明敏而果銳四人為性各不同雖皆歸於盡忠而所見各異故杜衍欲深罪滕宗諒仲淹力爭而寬之仲淹謂契丹必攻河東請急脩邊備富弼言契丹必不來至於尹

金史四庫全書  
卷一  
洙亦號仲淹之黨及爭水洛城事韓琦則是尹洙而非  
劉淹仲淹則是劉淹而非尹洙四人者可謂公正之賢  
也平日閒居則相稱美之不暇為國論事則公言廷爭  
而無私杜衍真得忠臣有不和之節而讓為朋黨誣矣  
上前爭事各持異議以自騁下殿相善不失和氣而如

故此則可重也

魏泰別錄韓忠獻公言慶厯中與希文  
彥國同在西府上前爭事議論各別下

殿各不失和氣如未嘗爭也當時相善三人正是故君  
如推車子蓋其心主於車可行而已不為已也

實景仁異姓兄弟耳鍾律一事終身相非

范景仁墓誌  
君實嘗語人

曰吾與景仁兄弟也但姓不同耳至於鍾律則反復  
相非終身不能相一君子是以知二公非苟同者韓

公杜公世指為朋黨耳舉兵一事彼此異見

杜衍墓誌  
邊將欲大



舉擊夏人韓公以為可舉杜公以為不可然兵後果不得出契丹與夏人大戰河外范文正安撫河東欲以兵從公以為契丹必不來兵不可妄也後契丹卒不來二人皆世俗指以為朋黨者其議論之異蓋如此 水

洛之城議及尹洙洙孫甫所善也甫非咈洙正愛洙也

孫甫墓誌邊將劉滄城水洛于渭州部署尹洙以滄違節度將誅之大臣稍主洙議公以城水洛通秦渭於國家利滄不可罪由是罷洙洙公平生所善也 差役之害言咈溫公東坡溫公

所契也東坡非戾溫公正厚溫公也 蘇軾謂司馬公曰差役免役各有利

害免役之害頒括民財十室九空差役之害民常在官不得專力於農而貪吏猾胥得緣為奸又曰今欲驟罷免役而行差役蓋未易也光不然之 欲宥宗諒仲淹曰可杜公曰不可不

曰杜公仲淹之所愛

南豐雜識孫甫嘗家居石介過之曰富公言滕宗諒守慶州用公使

錢坐罪杜公則欲致宗諒重法不然則行不能在此范公則欲薄其罪曰不然則仲淹請去此二人世指為朋

黨也欲宥仲約仲淹曰可富公曰不可不曰仲淹富公之

所黨龍川志高郵知軍晁仲約迎勞劫盜張海富獨在

上其相處也如昵其論事也如爭諸公豈為面朋哉

夫何荆公處友不端也陳升之荆公推轂矣既登揆席

忍為操戈之計

長編陳升之善傳會以取富貴安石用事務變更設制置條例司引升之共事

凡所欲為自條例司直奏行安石深德之故推升之先使為相既登相後於條例司遂不復關預安石大怒於

是二人  
始判

呂惠卿荆公愛友矣既入參職遂肆謗弓之巧

長編始安石薦惠卿代已惠卿既得勢恐此小人之棄

安石復入凡可以害安石者無不用其智

此小人之棄

節背義得罪於荆公固多矣然荆公所以失相處之義  
以其無相規之理故也何者人莫患乎好人同已也同  
已之心一勝則勢利之友日親而禮義之交日疎規正  
之論不聞而諛佞之言愈密反覆之禍諸賢已先知之  
司馬光對賓客輒指言之曰覆王氏者必惠卿也程明  
後六年惠卿叛安石苟可以覆王氏者靡所不為程明  
道與荆公同學於濂溪也以不樂新法而絕

程明道與  
王介甫同

學於瀛溪周茂叔後介甫用事明  
道力攻新法之害不聽乞補外  
韓維與荆公同受薦

於文潞公也以不合新法而踈  
溫公瑣語皇祐中文潞  
公為宰相薦安石及張

環曾公亮韓維四人恬退乞不次進用又韓維  
行狀安石用事維極論新法不便不報乞補外鄭俠師

事於荆公鄭俠從荆公學極論新  
法神宗為罷青苗免役錢景謏素交與荆公

間見錄錢景謏與王荆公善後荆公用  
事論新法不合遂相絕終身為外官  
一論新法終身

相棄司馬君實素厚於荆公  
司馬君實與荆公素厚及  
荆公用事行新法君實與

荆公書介甫從政期年天下惡介甫者  
詆毀無所不至某獨知其不然云云  
劉道原雅善於

荆公  
十國紀年序王介甫與道原有舊深愛其才熙寧  
中介甫參大政欲引道原脩三司條例道原固辭

以不習金穀之事及呂獻可得罪知鄧州道原往見介甫曰公所以致人言蓋亦有所未思因為條陳所更法今介甫大怒遂與之絕一議新法屏迹不容荆公之苟同如此安

得不蹈小人之計耶晚年謂其姪防曰吾昔好交游甚多皆以國事相絕欲下筆作書相問長嘆而止意若有

所愧噫荆公之悔亦晚矣

聞見錄田畫承君云荆公嘗謂其姪防曰吾昔好交游甚多皆

以公事相絕公居閑復欲作書相問防忻然為設紙筆案上公屢欲下筆作書輒長歎而止意若有所愧也

尚論處友之道知相處不容變之心又知相規不苟同之理庶無愧於前脩云

評文

屈原之離騷有長鯨蒼虬不得伸之態讀之令人激切

生忠憤心奇體也或者至有露才揚已之譏

蔣之翰稱騷經若驚

瀾奔湍騰閉而不流若長鯨蒼虬偃滯而不得伸若溫金璞玉泥沙掩匿而不得用若明星皎月雲霧蔽蒙而不得出又班固謂屈原作騷露才揚已靖節之歸去來有閑鷗立海之狀

讀之令人清灑忘名利心佳製也或者有以賦為辭之

議前輩謂陶淵明如野鶴任風閑鷗立海又曰歸去來以賦為辭

嗚呼為文之難如此

而況於論文者乎夫自六經不作之後騷人墨客雄才

健筆馳價於翰墨之場者不知其幾固難以一二數姑  
即文選文粹之所去取者而評議之信矣夫論文之難  
也且擷華掇菁而為選蕭統之用工多矣然西漢之文  
不取仲舒之三策而取揚雄之美新何見也見漢史董仲舒傳又  
選文去疵取醇而為粹姚鉉之著意勞矣然李唐之文不

取昌黎之碑而取段文昌之碑何識也

唐舊史云韓昌黎淮西碑多載

裴度事時先入蔡李愬功第一愬不平之詔令磨愈文  
命翰林學士段文昌撰故李義山詩曰帝曰汝度功第  
一汝從事愈宜為辭意奇語重喻者少讒之天子言其  
私又東坡嘗於邸壁間見一詩云淮西功德冠皇唐

吏部文章日月光千載斷碑人膾炙不知世有  
段文昌又姚鉉文粹只載段文昌淮西碑噫選粹

之失豈止於此耶編司馬長卿賦上林而不知謬言盧

橘夏熟編楊子雲賦甘泉而不知妄用玉樹青蔥羽獵

托諷之詞子虛奏雅之篇而反雜於長門褻慢之語選

果足信乎  
左太冲三都賦序云相如賦上林而稱盧橘夏熟楊雄賦甘泉而陳玉植青蔥班固賦西

都而嘆出比目魚張衡賦西京而述遊海若其言無證又見司馬相如楊雄賦述王摩詰老將

行而不辨指天幸不敗為衛青之誤述李長吉鴈門行

而不指黑雲壓城續以甲光向日之失道士吳筠之著



游仙釋子蘭之作長城窟而亦溷李杜元白之集粹果

可取乎

並文粹

噫三代之文至漢復起西漢之文至唐復

振一去一取且無定見况江左諸子紛紛之筆歟嗚

呼有穎士之高識庶能知李華吊古戰場文

唐李華傳

無歐

陽公之巨眼而昌黎文集終為顏壁故篋之物

歐陽公韓文後

州南有大姓李氏者其子堯輔頗好學余為兒童時多遊其家見有弊篋貯故書在壁間發而視之得唐昌黎先生文集六卷因乞以歸

之見其文深厚而雄博信矣夫論文之難也天開我

宋鉅工彬彬一洗萬古日月爭光故有為三百年來文

不振直從韓柳到孫丁之詩者

孫何與丁謂齊名王禹偁有詩曰三百年來文

不振直從韓柳到孫丁于今便合教修史二子文章似六經

有為曾子文章衆無有

水之江漢星之斗之詠者

王荆公贈曾子固之詩云

山川旺氣化入

文章噫盛哉有如王黃州之恪孫泰山之義石徂徠之

厲尹河南之簡歐廬陵之醇蘇文安之遠李盱江之銳

宋常山之峻司馬涑水之端曾南豐之毅王臨川之整

蘇東坡之浩蘇頌濱之通李淇水之宏陳後山之濬黃

豫章之理秦淮海之煥晁濟北之舒張譙國之婉張石

室之俊筆勢駸駸與周漢軋是豈區區模倣者之所能

及哉然考其評議觀其取子徃徃有佩劔相笑之見夫

歐陽永叔醉翁亭記平生最得意者而秦少游以為用

賦體

東坡云永叔作醉翁亭記其辭玩易蓋戲云爾又不自以為奇特也而妄庸者亦作永叔語曰平生

為此文最得意又云吾不能為退之書記退之又不能為吾醉翁亭記此又大妄也陳後山云退之作記記其

事爾今之記乃論也秦少游謂醉翁亭記亦用賦體范文正岳陽樓記世稱曰佳

作者而尹師魯以為傳奇體

後山詩話云范文正為岳陽樓記用對語說時累世

以為奇尹師魯讀之曰傳奇體耳傳奇唐制硃所著小說也

曾子固之記六經閣張

伯玉終不愜意

曾子固初為太平州司戶參軍張伯玉前輩人也歐陽公王荊公諸名士共稱

子固文章伯玉殊不顧問語子固吾方作六經聞其為之記子固凡謄橐六七終不愜伯玉之意則謂子固曰吾自為之其書於紙曰六經聞者諸子百家皆錄陳鐸之在焉不書尊經也云云子固大畏服聞見後錄

批答魯仲明謂非詔語

魯仲明論陳鐸批答乃表語非詔語王荊公以東

坡醉白堂記為韓白優劣論蘇公以王金陵處州學記

為學校策

並文集注

噫稱贊之意不足而正救之辭有餘諸

公非相短也正所以相切磋也不然柳子厚素稱韓之文若捕龍蛇搏虎豹急與之角而不暇至論韓碑議其

有帽子之習諸公之見非韓柳之見歟

柳文集讀韓愈所著毛穎傳後

題云有來南者言韓愈為毛穎傳云云索而讀之若捕龍蛇搏虎豹急與之角而力不敢暇指韓子之怪於文

也又劉夢得曰柳八駁韓十八平淮西碑云左體右

說用兵伐叛樂天之詩沈存中喜其識趣可尚章子厚

譏其識趣最淺

詩史云沈存中謂樂天詩不必皆好然識趣可尚章子厚謂不然樂天識趣最

淺陋謂詩中言甘露事處獎如幸災雖私讐可快然朝廷當此不幸臣子不當形歌詠也如當公白首同歸日

是我青山獨徃時之類又百斛明珠云樂天為王涯所誣謫江州司馬甘露之禍樂天在洛適遊香山寺有

詩曰當君白首同歸日是我青山獨徃時不知者以樂天為幸之樂天豈幸人之過者蓋悲之也杜陵

之詩黃魯直稱其靈丹一粒楊大年薄其為村夫子

黃魯

直稱杜子美詩如靈丹一粒點鐵成金又詩史楊大年不喜杜子美詩謂之村夫子有鄉人以子美詩強大年不服因曰公試為我續江漢思歸客一句大

年以為屬對鄉人曰乾坤一腐儒大年似少屈

昌黎之

文歐公平日推重以家藏萬卷惟韓文為舊物萬世所

尊而蘇頌濱乃譏之

歐公書韓文後云云余家藏書萬卷獨昌黎先生集為舊物也嗚呼

韓氏之文之道萬世所共尊天下所共傳而有也又蘇子由謂元和聖德詩李斯頌秦所不肯言

愚溪

之文蘇東坡晚年最愛以碑文妙絕今古而歐公乃薄

之

蘇東坡晚年最喜柳子厚稱其詩在淵明下韋蘇州上至讀曹溪南嶽諸碑妙絕今古

歐公謂子厚叔

文之事韓  
門罪人

噫去取之見不同而優劣之論亦異諸公非

相反也正所以相詰難也不然老泉嘗稱遷之史其與

善隱而彰其懲惡直而寬至其子頴濱作古史以糾其

失諸公之見非蘇氏父子之見歟

老泉文遷史其與善也隱而彰其懲惡也

直而寬其賤夷狄也簡而明。又子由作古史論史遷之失

雖然文人相輕從古固

然然學不逮先輩文不逮先輩亦效先輩雌黃之口皆

其氣習不渾厚而輕躁者之為乎讀詩未有劉長卿一

句已呼阮籍為老兵筆語未有駱賓王一字已罵宋玉

金少府集卷一  
為罪人則吾豈敢

韓文

昔歐公之跋昌黎文集也曰予少得韓文於顏壁敵篋間閱之可愛方舉進士未暇進力後官洛陽與尹師魯出所藏而補綴之而韓文遂行於世噫歐公用力也久

矣歐公書韓文後曰余少家漢東州南有李輔兒頗好學余為兒時多遊其家見有敵篋貯故書在壁間發而視之得昌黎先生文集六卷脫落顛倒無次序因乞李氏歸讀之見其言深厚而雄博然余猶少未能悉究其義徒見其浩然無涯若可愛余方舉進士以禮部詩賦為事年十有七試於州為有司所黜因取所藏韓氏



之文復閱之則喟然嘆曰學者當至於是而止耳後七年舉進士及第官於洛陽而尹師魯之徒皆在遂相與作為古文因出所藏昌黎集而補綴之求人家所有舊本而校之其後天下學者亦漸趨於古而韓文遂行於世故革華傳舊所不傳而歐公錄之

洪興祖注曰下邵革華傳舊來無此

傳歐公始錄之召大顛書舊所不載而歐公辨之

慶厯丁亥江西袁涉世弼

得此書疑因之滁州謁歐陽永叔質之曰實退之語它意不及也此書唐元和十四年刻在朝陽靈山寺東坡又云世妄撰之作詩得寬韻則波瀾橫溢泛入傍韻得窄韻則

不復旁出因難見巧舊所未論而歐公始評之

歐公云退之工

於用韻得寬韻則波瀾橫溢泛入旁韻如此日足可惜之類是也得窄韻則不復旁出因難見巧如病中贈張

十八之類是也故作文者非韓不學學韓者非歐不師蘇公謂

歐陽今之韓愈信夫

蘇軾序歐陽之文曰韓文之後三百餘年而得歐陽子天下尊之曰

歐陽子今之韓愈也

嗚呼昌黎之文龍翔鳳躍日光玉潔出入周

孔凌駕卿雲千態萬狀道德仁義之言炳如也然毛穎

一傳舊史譏之則公之文在唐而未著

漢唐書云愈作毛穎傳譏其不

近人情此文章之甚謬者矣洪興祖曰舊史所見如此罕有識者

伯長所鬻經年不售

則公之文在國初而未顯

穆伯長有韓柳集鏤板鬻於京師經年無售者

不有

歐陽氏其孰為古文之倡歟其孰繼昌黎之躅歟自是

而後如蘇如曾如王如宋諸君子繼唱迭和追逐前脩  
盛矣哉愚嘗觀公之文矣讀聖德詩而知其文辭雅正  
與周雅爭光讀城南聯句而知其辭氣豪放雖累千百

千而不困故東坡謂寄盤谷子二章不減杜子美

東坡曰退

之尋常詩自謂不及李杜若盧郎中雲夫  
寄示送盤谷子詩二章獨不減杜子美

魯直謂南溪

始泛三首有詩人句律之深意

魯直於退之最愛南溪始泛三首以為有詩人

句律之深意蓋退之絕筆於此

則公之詩可知也讀平淮西碑氣象宏

富得相如體讀曹成王碑語句簡古得子雲體

洪興祖曰嘗見

一士人云曹成王碑造語法子雲也南山詩平淮西碑氣象宏富法相如也進學解師說之類精純入道理法劉向也凡為文字字有故孫覺謂淮西碑其叙如書銘

如詩

後山詩話云龍圖孫學士覺喜論文謂退之淮西碑叙如書銘如詩

臨川謂退之善

為銘如王適張徹二銘尤奇

王荆公云退之善為銘如王適張徹尤奇也

則

公之碑若銘可見也原道一篇扶持名教與軻書相表

裏進學解師說等作精粹入道理不下劉向及質之前

輩伊川謂如軻之後不得其傳之語非蹈襲空虛而得

之

伊川云退之晚年為文所得甚多如軻之後不得其傳之語非蹈襲空虛而得之

小宋謂送

窮文進學解皆古人意思未到則公之雜文皆周情孔

思也

小宋云退之送窮文進學解毛穎等傳皆古人意思未到可以名家矣然送窮與楊子雲逐貧賦大

意相類蓋古人作文皆有所祖述如司馬相如大人賦全用屈原遠遊中語老杜云述相祖述復先誰長卿子長皆剽竊前人意耶至若序若傳愈出愈奇送李愿歸盤谷序東

坡以唐無文章惟此一篇而已

東坡云歐陽公言晉無文章惟陶淵明歸去來

一篇而已余亦謂唐無文章惟送李愿歸盤谷序一篇而已

毛穎等傳前輩以其說

出於莊周寓言

荆林東齋洪興祖宣和間人嘗謂毛穎傳柳子厚以為怪予以為子虛烏有之

比其說出於莊周寓言

嗚呼斯文也振八代之衰濟天下之溺回

狂瀾以挽異端之趨吹死灰以彰六經之學蓋名教中  
一砥柱固非後學測其涯矣姑即先正之所評論之所  
嘉嘆以叙其一二焉耳然孔孟經學不行於春秋戰國  
而行於後世昌黎文集不顯於李唐而顯於我朝噫有  
以夫然嘗論之韓公得歐公而唱得諸公而和固為斯  
文之幸然淺學者見卑識陋輕議妄改好事者託名亂  
真求售其文斯文又何不幸耶聽穎師彈琴一詩蓋奇  
作也或者妄託文忠公以此為聽琵琶之詩旣議韓公

又誣歐公

洪興祖曰歐公以聽穎師彈琴詩為聽琵琶詩東坡嘗作聽琴詩恨文忠公不及見二公

之論似未必然

祭柳子厚文蓋精語也或者妄以表表愈偉之

句改為表奏

洪興祖曰退之文章多為流俗庸人妄改如祭柳子厚文云表表愈偉嘗見一本改

作表奏

嗟夫胷中無國子監不可讀杜甫詩況公之文淺

學者豈可輕議乎

前輩論云

直諫表論顧威狀言不成文事

非指實已不免前輩之論

荆林東齋曰直諫表論顧威狀舊本無之好事者編入別

集觀其文法非退之作公在穆宗朝不聞有直諫事設或有之史官豈得不傳蓋後人妄託公名以售其文才識庸淺尚不堪為退之作故也直諫表云忝位聖唐見賢如齊賢達之士所痛心怪駭而已矧然無圖等語皆

不成文理又論顧威狀云今臣獨陳一力胡能止百官之說說煩救顧威此一詩季同不可謂百官之說又云臣當寸草之命骨肉謝於陛下矣議刑常事安用此等語詩之序議三器論命意措

辭絕無長處又別出一人之手凡此數篇皆編外集或論

韓文直諫表顧威狀正出一手詩之序議三器論又出一人之手論意措辭絕無長處徒務怪句云云嗟

夫李華弔古戰場文且不逃穎士之所識况公之文好

事者其可託名乎

唐書李華傳

雖然外集所錄固雜矣至明

水賦送俱文珍僧令縱答劉秀才論史與夫上賈滑州

書薦薛公達書通解擇言郭人對等篇深粹典麗非他



人所能及而李漢公之門人最厚者收拾遺文無所失

陸而此作反不在四十卷之列何耶我知之矣蓋論史

之作人禍天刑數語特出於有激而云

答劉秀才論史書云夫為史者

不有人禍必有天刑豈可不畏懼而輕為之哉唐有天下二百年矣聖君賢相相踵其餘文武之士不可勝數

豈一人卒能紀而傳之耶

明水賦雖工乃舉子聲律之語

外集省試明水賦

文珍閣寺識者羞稱

外集送汴州監軍俱文珍序并傳

今縱浮屠名教

所斥

又送浮屠令縱西遊序

乃公意自不欲存於世者故漢集中

不收之

李漢文集序門人李漢辱知最厚且親遂收拾遺文無所失陸摠七百二十六合為四十一卷

又有注論語十卷順宗實錄五卷不在集中

至其他所作又有可言者蓋少

年識見一昌黎也潮州貶還又一昌黎也黃山谷嘗曰

公之文自潮州還有不待繩削而自合者則公之老作

為自然也

韓公年譜云魯直云退之自潮州還朝後文不煩繩削而自合

伊川亦曰退

之晚年為文所得甚多則以公之晚作為有所見也

見上

彼上賈滑州書方年二十二

韓公年譜上賈滑州耽書云愈年二十二讀書學文

十五年自七歲讀書至此首尾十六年一本作二十三誤矣

而薦薛公達書殆又始

冠之歲

年譜正元四年戊辰張建封為滁泗濠節度公薦薛公達於建封云河東薛公達年二十有六

按公達墓誌云元和四年年四十七卒自元和己丑運數之至今二十六歲公時年二十二始有文章見集中

通解擇言解郭人對三篇亦皆少時所作

洪興祖云通解擇言解郭

人對或云皆少時所作

齒少氣弱誠非足以垂永久者也噫張燕

公謫岳州而詩益悽惋人以為江山之助

張說傳說為文屬思精壯

長於碑誌世所不逮既謫岳州而詩益悽惋人謂得江山助云

杜工部自夔州後所著

篇什皆不待斧斤而自合

杜甫詩後因關輔飢輒弃官去客秦州流落劔南夔峽間

酒酣慷慨懷古餘見杜詩集

柳子厚南遷後作曹溪南嶽諸碑妙絕


古今東坡稱嘆不能自己者

柳宗元年譜東坡居士云柳子厚南遷作曹溪南嶽

諸碑妙絕古今

然則論韓公之文安敢以少年所作為公之累

耶



古今源流至論後集卷一

欽定四庫全書

子部

古今源流至論後集卷二

詳校官中書臣程炎

主事臣祁韻士覆勘

總校官庶吉士臣倉聖脉

校對官中書臣潘奕雋

謄錄監生臣俞昌言

欽定四庫全書

古今源流至論後集卷二

宋 林駟 撰

三省

侍中

中書令

尚書令

左右僕射

唐亦除尚書令以僕射為尚書省長

三省之職起於秦漢三省之任重於東都魏晉以尚書

省統天下之務中書省總機要之司門下省掌出納之

命則唐與本朝也且侍中秦官特丞相史之任漢選貴

游充為加官掌侍左右分典服物

宋百官志曰侍中本秦丞相史也使五人

往來殿內東廂奏事故謂之侍中又按通典漢侍中為加官得入禁中分掌乘輿服物云云貴子弟至襁褓受

寵嚴助詞臣得備顧問

本傳安國名儒特掌唾孟  
宋百官志

武帝世孔安國為侍中以其儒者特聽掌唾孟朝廷崇之其微可知也中書令漢官

特少府屬之職晚年倦政游宴後庭遂置中書俾領章

奏武帝初用宦者成帝懲用士人甚欲輕其權也

通典其所

置中書之名因武帝遊宴後庭始用宦者典事尚書謂之中書謁者置令僕射元帝時弘恭為令石顯為僕射秉權用事成帝改中書謁者令  
日中謁者令更以士人為之  
秦時少府主發書殿中

者謂之尚書令不過任蠶室至賤之人通掌圖書宣達

封奏而政不與焉

六典云初秦變周法天下之事皆決丞相府置尚書於禁中有令丞掌通

章奏而已又通典云秦時少府遣吏四人在殿中主發書故謂之尚書尚者主也又云武帝始用宦者主中書以司馬遷中間遂罷其官以為中書之職至秦時以武帝罷中書宦者又置尚書五人一人為僕射

善射者掌事謂之僕射乃謁者冗從之徒後置尚書雖

優此官而任猶輕焉此三省之職起於秦漢然也

通典秦官

漢因之自侍中尚書博士初皆有之古者重武官有主射以督課故曰僕射又云成帝尚書五人一人為僕射

四人分曹通掌尚書秘記章奏之事其任猶輕

西漢丞相總百官而九卿分事



東都事權歸臺閣而尚書分曹出納王言敷奏萬機令

則總領紀綱僕射則分掌錢穀而尚書之權始重

司馬溫公

文按西漢以丞相總百官而九卿分天下之事光武中與自親庶務事歸臺閣尚書始重而西漢公卿稍已失職矣通典尚書至後漢則為優重出納王言敷奏萬機令及右丞總領紀綱無所不統僕射及左丞分掌廩餼錢穀靈帝以侍中梁鵠為選部尚書總謂之尚書臺亦謂之中臺魏武置秘書令典尚

書之奏事文帝置中書令罷秘書之官屬遂以秘書左

丞劉放為中書監以秘書右丞為中書令職重情親專

掌機要而中書之任始重

魏武帝為魏王置秘書令典尚書奏事又其任也文帝黃

初初改為中書令又置監以秘書左丞劉放為中書監右丞孫資為中書令並掌機要中書令監始於此也

又司馬溫公文及魏佐漢初建魏國置秘書令典尚書奏事文帝受禪改秘書為中書有令有監亦不廢尚書

然中書親近而尚書疎外矣東晉以後天子以侍中常在左右與議

政事始不專用中書入侍帷幄出擁華蓋嵇紹為侍中

身捍乘輿褚翼為侍中面叱峻兵於是中書之權分而

門下之權重矣

司馬溫公文東晉以後天子以侍中常在左右多與之議政事於是又有門下

而中書之權始分矣王粲為侍中曹植贈粲詩曰戴蟬珥貂朱衣皓帶入侍帷幄出擁華蓋又通典注曰

彭權於晉武帝為侍中能答旄頭之義嵇紹於晉惠帝為侍中以身捍衛帝側褚翼為侍中抱天子以叱蘇峻

兵鍾雅為侍中出招此三省之任重於東都魏晉然也  
義兵事覺為峻所害

降及南北大抵循襲唐因隋制以三省長官為宰相命

太宗為尚書令封德彝為中書令高士廉為侍中後以

太宗嘗為尚書令故以僕射為侍中中書令為宰相如

武德間以裴寂德彝為左右僕射正觀初以蕭瑀無忌

為左右僕射皆為宰相之職其制可見也  
唐宰相表武德元年六月

甲戌趙國公世民為尚書令三年三月甲戌中書侍郎  
封德彝兼中書令九年七月辛卯高士廉為侍中又表

四年四月寂為左僕射九年德彝為右僕射又正觀  
元年蕭瑀為尚書左僕射長孫無忌為尚書右僕射

其後以品高不除他官叅預故有叅議朝政叅知政事

之名

唐百官志太宗時以杜預吏部尚書叅議朝政魏徵以秘書監叅預朝政或曰叅議得失叅知政事

之類其名非一皆宰相之職也

又其後或加平章或加同品至拜僕射

亦必帶之惟侍中中書令則否故有平章同品之名

同上

貞觀八年僕射李靖以疾辭位詔疾少瘳三兩日一至中書門下平章事而平章事之名蓋起於此其後李勣以太子詹事同中書門下三品書同侍中中書令也而同三品之名蓋起於此職源自尚書令關二僕射為宰相及正觀未除拜僕射必加同然唐為此號者蓋欲合中書門下平章事及叅知等名

然唐為此號者蓋欲合

中書令之權耳自是相承至于國朝莫之能改非不分

也理勢不可復分也國初三省長官第為空名惟侍中有真拜者在國初則范質趙普繼此則丁謂馮拯韓琦而已是雖以門下省長官而總百揆然三省之職實合為一故未改官制之前凡命相者必曰同中書門下平

章事蓋國朝之制名曰沿唐而實異於唐歟

職源國朝沿唐制凡

命相必曰同中書門下平章事即真拜侍中者不復言平章事累朝因仍三省長官尚書令中書令侍中僕射不與政皆為空官特以寓祿秩序位品而已又皇朝元輔表建隆元年范質侍中興國六年九月趙普司徒兼侍中乾興元年丁謂馮拯並侍中治平四年神宗元即位正月韓琦司徒侍中昭文館大學士監脩國史元

豐正名三省並建分職設局如貫繩然然愚所深惜者  
小人用事託公濟私其弊有三蓋不可不論且王珪以  
左僕射兼門下侍郎蔡確以右僕射兼中書侍郎二省  
宜相兼矣夫何確專政柄惟重中書凡有除吏珪不與  
聞蓋僕射為相命令進擬皆所由出安有省覆之舉二  
省進對同得預聞既已奉行又復有審駁之理此事權  
所以盡歸於右僕射之手蔡確偏重右相之弊一也元豐  
五年詔自今事並中書取旨門下覆奏尚書施行輔臣  
有言中書獨取旨事權太重上曰三省體均中書議之

尚書行之苟有不當自可論奏不當於此亂體統也初王珪蔡確力贊改官制確先說珪曰公久居相位必拜中書令故珪不疑一日確密言三省長官位高不須設只以左僕射兼門下侍郎右僕射兼中書侍郎各主兩省事上以為然確獨專政柄凡除吏珪不與聞乃言臣備位宰相不與進退百官請同議上許之三省並建政事者大事出門下其次出中書又其次出尚書王安禮不預官制乃曰政畏多門要當歸一臣謂事無巨細宣於中書本於門下尚書行之則善矣從之又筆談官制行左僕射兼門下侍郎行侍郎之職右僕射兼中書侍郎行中書之職別置侍郎以貳之二省宜相兼矣然僕射既為宰相則凡命令進擬未有不自由之出者出令之職既身行尚又省而復之乎方其進對門下侍郎亦預聞矣既已奉行之而又審之亦無是理門下惟有給事封駁未有侍郎自駁已奉之命者則侍中侍郎所謂省審殆幾虛文也元祐間議者以詔令稽留吏員冗多

因有并門下省之意故雖不行然而有當稟左相必送中書右相或持不主左相無如之何中書侍郎進門下侍郎雖名為進其實不樂也

自呂公著有同舟共濟之說而執政皆

協力

呂公著神道碑官制三省並建而中書獨為取旨之地門下尚書奉行而已公著曰三省均輔臣也

正如同舟共濟當一心共力以脩政事乞事于三省者自今執政同進呈取旨而各行之遂定為令又韓

縝以猶子避親改授之命而三省同取旨三省宜同心

矣

韓縝為右僕射其猶子以避親改授超升本班時黃履言之始命三省合取旨事及臺諫章疏同進擬不

專屬中書夫何子厚任左僕射有欲更分班奏事之制者子

厚懼權之去已乃曰此先帝之志不可易故終哲宗之



世不置右僕射而文書有合送中書取旨者則以為無條有例由尚書省徑上但過門下而已蔡京姦臣尤而效之子厚偏重左相之弊二也

紹聖元年章惇左僕射當時有言元祐擅更三

省分班奏事之制者惇曰此先帝之志不可易故文書有合送中書取旨者則以為無條有例由尚書省徑上但過門下而已三年李清臣為中書侍郎言官制中書取旨門下審覆尚書施行近日尚書侵紊職事而合送中書者更不送中書便將上取旨伏望變正

又紹聖元年至元符二年凡六年惟惇為左相

又有甚

者京相既久姦謀日長請改左僕射為太宰右僕射為少宰自以太師兼總三省號為公相宰執大臣皆居其

下益肆其無忌憚之心噫可嘆也是則蔡京偏重公相

之弊其變已三流害尤甚歟

大觀二年京為左僕射獨相政和六年改左右僕射

為太宰少宰五月京以太師楚國公領三省事三日至都堂元輔表又蔡條國史補政和廢尚書令侍中

中書令改為左輔右弼未始除授左右僕射嗟夫右相

為太宰少宰京為太師兼領三省號公相云偏重之弊王珪非不言之言之卒不勝見上左相偏重之

弊李清臣非不辨之辨之卒不能至公相專恣之弊宣

和詔令非不言罷而或以為噬臍之悔

宣和七年詔令居三公論道之

位而摠理三省衆務使宰相備員殊失紹述憲章之意可於尚書復置令虛而不除三公止係階官更不摠領

三省餘見上

甚至紹興權臣竊之

秦檜紹興十三年除太師

開禧權臣又

竊之識者蓋為浩歎罷平章之名定丞相之稱此乾道

之令典也

乾道八年改左右丞相左右僕射平章事

今日宜率由之以為

萬世家法云

### 宰相兼樞

周公冢宰出征東山

詩

畢公為公兼任司馬

書

嗟夫軍

旅之事非縉紳之所當預將帥之權非廟堂之所可侵而周公必使兼統不曰侵官何耶蓋出征重寄也握兵

大權也身為大臣不得與知則渙散不相通彼此不相  
濟其弊豈勝言哉嘗以周之六官攷之冢宰所以掌邦  
治統百官也司馬所以統六卿平邦國也二卿適相等  
耳至調發之權不歸之司馬而歸之天官噫先王之為  
慮也遠矣故呂伋掌兵若無關於太保而太保實俾之  
命書顧程伯出師若無與於尹氏而尹氏實命之詩於分  
之中而有合之理存於判然不相屬之際而有貫通之  
意寓此周人所以為良法歟自庶藺立敵而將相之職

分田吳爭功而軍國之權偏

通鑑魏置相田文吳起不悅謂田文曰請與子論功

可乎田文曰可起曰將三軍敵國不敢謀子孰與起文曰不如子起曰治百官親萬民實府庫子孰與起文曰不如子起曰守西河而秦兵不敢東鄉韓魏賓從子孰與起文曰不如子起曰三者子皆出吾下而位加吾上何也文曰主少國疑大臣未附百姓不信方是之時屬之子乎屬之我乎起默然曰屬之子矣又藺相如輔趙王歸國以相如為上卿位在廉頗之右廉頗曰我為趙將有攻城野戰之功藺相如素賤人吾羞不忍為之下宣言曰我見相如必辱之相如聞之每朝常稱疾不欲爭列出而望見輒引車避匿其舍人皆以為恥相如曰子視廉將軍孰與秦王曰不若相如曰夫以秦王之威而相如廷叱之辱其羣臣相如雖驚獨畏廉將軍哉顧吾念之強秦所以不敢加兵於趙者徒以吾兩人在也今兩虎共鬪勢不俱生廉頗聞之至門謝罪更

秦歷漢官制益紊諸呂兆釁勢亦亟矣丞相平至以五

百金交驩太尉而左袒之功僅濟

漢書周勃傳

擁昭立宣事

亦重矣丞相敞至不敢言而大將軍光以廢立之權自

任

本傳

夫以丞相之重而下聽命於掌兵之將况望其

無所不統如周人之制哉厥後以北衙抗南衙之權以

西府敵東府之勢自朝廷而言則曰軍國而軍先於國

自大夫而言則曰將相而將先於相古人事權一切倒

置中書主民樞密主兵兩不相通而天下之事紊矣我

太祖肇造區夏削平僭偽范質趙普皆以宰相兼樞密

之柄

皇朝元輔表建隆元年二月王溥范質大學士樞密使同中書門下平章事又乾德二年正月樞密

使趙普門下侍郎同中書門下平章事

家法相傳至今不易故時方有事

則叅議機謀之秘時方無事則各任兵民之寄太宗朝

獲繼遷母之議非細事也而宰相呂端告樞使寇公曰

邊鄙常事端不敢與軍國大計不可不知於是覆奏養

視招徠繼遷果動九重撫髀之嘆

保安軍獲李繼遷母是時寇準為樞使呂

端為宰相上召準與之謀端邀準曰邊鄙常事樞密院之職端不敢與知若軍國大計端備位宰相不可以莫

之知也準以獲繼遷母告端曰君何以處之準曰準欲斬以戒凶逆端曰此非計之得也端將覆奏之即具奏曰陛下今日殺繼遷之母繼遷可擒乎若不然徒植怨讎益堅其叛心耳以臣之愚謂宜置於延州使善養視之以招徠繼遷上撫髀稱善曰微卿幾誤朕事

真宗朝契丹寇邊之舉非細故也而真宗謂宰相寇準曰中書總文武大政密院雖專

兵須本中書於是建議親征尺箠笞之果三十餘年無

北顧之憂

景德元年上每得邊奏必先送中書謂畢士安寇準曰軍旅之事雖屬樞密院然中書總

文武大政號令所從出向者李沆或有所見往往別其機宜卿等當詳閱邊奏共參利害勿以事干樞密院而有所隱也未幾契丹犯澶淵宰相當是時也二府雖有寇準力主親征之役果契丹請和



同議之公未有兼任之職迨慶厯間西事方興因富弼

之言而以張士遜同議密院事

康定元年詔樞密院自今邊事並與宰相張士

遜章得象參議之即不須簽樞國朝舊例以中書主民  
樞密主兵故元昊反邊奏皆不開中書知誅院富弼言  
邊事係國安危不當專委樞密院而宰相不與乞如國  
初令宰相兼樞密使翰林學士丁度言今之六府分兵  
民之政若措置乖異則天下無適從非國體也請軍旅  
重務二府得通議之上參取其言而降是詔士遜等以  
詔納上前曰恐樞密院謂臣等奪權

弼曰此宰相避事耳非畏奪權也  
因張方平之言而

以呂夷簡章得象皆兼樞密使

慶厯二年七月右僕射  
兼門下侍郎平章事呂

夷簡判樞密院戶部侍郎平章事章得象兼樞密使晏  
殊同平章事初富弼建議宰相兼樞密使上曰軍國之

務當悉歸中書樞密非自官然未欲遽廢故止今中書同議樞密院事及張方平請廢樞密院上乃追命富弼議特降制命夷簡判院事而得未幾邊事既寧而兼職象兼使殊加平章事為使如故

遂罷於慶厯之五年

慶厯五年從賈昌朝陳執中之言罷兼樞密以邊事寧故也建

紹間國步多艱乃以宰相范宗尹兼樞密於建炎之時

建炎四年六月以宰相范宗尹兼樞密院事罷御營使議者以為宰相之職無所不統本朝沿五代分為兩府兵道付於樞密比年又置御營使是政出於三也於是以其事歸樞密院為機務房焉自慶厯後宰相不兼

樞密者八十餘年復以張浚趙鼎兼樞使於紹興之日

而後兼蓋自此始紹興七年宰臣張浚兼樞密使趙鼎秦檜亦以左僕射兼未幾和議既成而兼職復

罷於紹興之二十六年

紹興二十六年詔曰比緣軍興今宰相兼樞密使今邊事已定

可依祖宗故事更不兼領

然亦觀慶厯紹興兼樞之效乎方夷簡判

樞院之職命范公仲淹出撫陝西相約平賊而趙元昊

送款哀鳴終身膽破而西邊晏然矣

呂夷簡自許州召還除平章門下事

兼判樞密院時范仲淹亦召還二人歡然相約戮力平賊范公出陝西未幾元昊請和復還

張魏公

都督兵馬之事命張韓劉岳分屯江淮大敗劉猺僅以

身免而敵人始懼矣

名臣事實本傳

此見兵民相通之驗歟不

然雍熙議征幽州獨與密院詳議中書不得預聞卒不

能成幽薊之功

雍熙三年正月先是賀令圖等相繼上言取幽薊上始有意北伐曹彬等為虜

所躡我師大敗趙普手疏諫曰蠢茲獫狁誠非我敵自古帝王置之度外云云願頒明詔速議抽軍初議興兵

上獨與樞密計中書不預聞

康定戎人歸附諫官方爾論列而中書

初不預知不免有區處之失

康定初時吹同乞沙自喃厮羅界來降詔補之班奏

職羈置湖南富弼言當厚賞以勸來者上命以所言送中書而宰相初不知

其弊亦可見矣

甚至熙寧初趙明與西人戰中書賞功而樞密約束郭

達脩堡柵密院詰之而中書褒詔滕達道之言其深知

事情歟其有感祖宗舊制歟

熙寧初滕達道言中書密院議邊事多不合趙明與

西人戰中書賞功而密院降約束郭遠脩堡柵密院方詰之而中書已下褒詔夫中書欲戰而密院欲守何以令天下願救大臣凡戰守議同而後下神宗善之

### 宰相臺諫

秉鈞當軸宅揆代工坐廟堂而進退百官此宰相之職烏府深嚴笏冠威肅振紀綱而警風采此臺諫之職噫孰謂天子耳目之官尤重於股肱之任歟何者廊廟之謀謨未必盡合於事情賢否之升黜未必盡愜於公論况權門一登炙手可熱相府潭潭趨者如市使非白簡

霜飛之嚴何以動其警畏之心哉然敢於論人主之過而不敢於忤權臣之意敢於陳宮闈之非而不敢於指廟堂之失苟不獎其勁直之節借其容納之意則孰肯

盡言耶且霍光廢立權在掌握雖宣帝亦憚之嚴延年

以侍御史之微劾奏其罪而朝廷肅然起敬

嚴延年傳宣帝時為

侍御史帝初即位劾奏霍光擅廢立無人臣禮不道奏雖寢朝廷肅然敬憚餘見霍光傳

王鳳竊柄

根據中外雖成帝亦憚之劉向以大夫之卑公陳其咎

而權貴為之縮頸

劉向陳延光祿大夫是時帝元舅陽平侯王鳳為大將軍秉政以太后專

國權兄第七人皆封為列侯時數有大異向以為外戚貴戚兄弟用事之故

震霆一驚聽者

掩耳威望若此廟堂其不警乎李義府取媚昭儀擅殺

六品高宗且不問其枉法之罪王義方一為侍御對仗

呵叱昌誦彈文之過

通鑑高宗記李義府恃寵用事洛陽婦人淳于氏美色係大理獄義

府囑寺丞畢正義枉法出之將納為妾大理卿段寶玄疑而奏之上命給事中劉仁執等鞠之義府恐事洩逼正義自縊於獄中上知之原義府罪不問侍御史王義方欲奏彈之先白其母曰義方為御史視奸臣不糾則不忠糾之則身危而憂及於親為不孝二者不能自決母曰若王陵之母殺身以成子之名汝能盡忠以事君吾死不恨義方乃奏義府於輦轂之下擅殺六品寺丞如此則生殺之威不由上出於是對仗叱義府令下三

叱義府始出  
乃讀彈文

裴延齡怙恩老姦舉朝側目德宗方有白

麻之拜陽城身為諫官守閣慷慨卒沮其右相之命

裴延

齡諧陸贄與李充張滂等失勢怨望四月貶贄為忠州別駕初陽城自處士為諫議大夫人皆想望風采及至日夜痛飲韓愈作爭臣論以譏之城亦不以屬意及贄等貶上怒未解中外惴恐無敢救者城聞而起曰不可今天子信用奸臣殺無罪人即帥拾遺王仲舒歸登右補闕熊執易崔郾等守延英門上䟽論延齡奸邪贄等無罪上大怒欲加城等罪太子為之營救上意乃解張萬福聞諫官伏閣往至延英門大言賀曰朝廷有直臣天下必太平遂遍拜城與仲舒等已而連呼太平萬歲太平萬歲萬福武人自此名重天下時朝夕相延齡陽城曰脫以延齡為相城當取白麻壞之慟哭於廷

嚴霜在望睹者毛寒言論若



此權要其不懼乎不然黃閣森嚴紫府榮耀喬岳峻天魁斗橫漢縉紳不敢言給舍不敢論而任風憲者若猶首鼠自默仗馬不鳴則事權不振國勢不立亦豈廟堂之福哉嘗觀國朝宰相臺諫輕重之由矣自御史劾趙

中令反以見斥而臺諫之言輕

太祖寵侍趙韓王如左右侍御史雷德驥劾奏

普強市人第宅上怒叱之後其子有鄰優訟其庇吏受賄上怒按問罷相

自諫官論丁謂卒

不見聽而臺諫之言沮

蘇子由云使丁晉公之時臺諫言事必聽其敗已久矣至於申

公非諸公並攻其短其害必有甚也

卒之中令其子不能逃庇吏受賕之

失而謂之姦邪他日自敗則知人言有益於國家也多

矣

並見上

至于仁祖以政事付宰相以公議委臺諫政事

之出少有愆失而公議之誅略不少貸是故晏殊為政

傾身諫官張方平蓋指仁宗時言也

子由龍川志云張安道為予言國朝

自真宗以前朝廷尊嚴私說不行好奇喜事之人不敢  
以事搖惑朝廷故士知為詩賦取科第而不知其他自  
設六科以來士之翹翹者爭論國政長短其始也范諷  
孔道輔范仲淹以才能為稱首其後晏元獻為政富鄭  
公參政事多置諫官乃用歐陽脩余靖蔡襄孫沔為諫  
官諫官日橫鄭公尤傾身下士上以謙虛為賢下以傲  
誕為高於是私說遂勝而朝廷輕矣予以為張公之論  
得其一不得其二徒見今世朝廷輕思曩日之重不知

大臣恣為非橫其害亦不細也蓋朝廷重輕則不在富  
此誠使正人在上舉動皆當下無以議而朝廷重矣

弼為相奉旨臺諫汪輔之亦指仁宗時言也

嘉祐四年汪輔之以

書謂責富弼曰公為宰相但奉臺諫風旨而已是雖朝廷之勢若輕而議論之

權若橫然失在廟堂救在臺諫亦不過維持公議而已

自今觀之景祐之際丞相呂夷簡也納賂市恩抗疏力

爭夷簡之勅雖峻而仲淹之氣愈厲

國朝元輔表天聖七年夷簡同中書

門下平章事至明道二年二月免三年再相景祐四年免仁宗廢郭后夷簡以前罷相恣后范諷言后無子當廢夷簡直其言先勅有司無得受臺諫章疏仲淹孔道輔孫祖德蔣堂郭勸馬絳段少連宋郊劉渙詣垂拱殿

門伏奏斥夷簡納賂  
市恩罷相判許州

寶元之際執政王隨陳堯佐也不

才多私極口深詆韓琦之章屢上而王隨之黨隨罷

寶元

元年三月平章王隨陳堯佐參政韓億石中立皆罷初  
呂夷簡密薦隨與堯佐二人為相其意引援非才居已  
下者用之觀他日上意見思而復相已及四人議政數  
債事於中書隨復屬疾堯佐復年高多不舉事災異仍  
見右司諫韓琦論隨等不才多  
私凡疏十上於是四人俱罷

文彥博取媚宮闈唐介

劾之雖介有別駕之除而彥博亦有罷免之命况猶遣

使護介乎此見於皇祐之時也

皇祐三年唐介劾文彥博知益州日作間金燈

籠錦因中人入獻宮掖緣此為執政及恩州賊平幸會  
明錫成功遂叨宰相昨除張堯佐宣徽節度使蓋彥博

奸謀迎合乞斥罷彥博以富弼代之上怒甚召二府示曰介言他事乃可至謂彥博因貴妃得執政此何言也介面質曰彥博宜自省即有不可隱於上前彥博拜謝不已梁適斥介下殿介辭益堅上令送臺劾介彥博言臺官言事職也愿不加罪不許上怒不可測羣臣莫敢諫右正言蔡襄獨進言介誠狂妄然容受直言帝王盛德也必望矜貸之王舉正復言介責太重改英州別駕復取其奏以入遣中使護送介至英州且戒必全之無令道死彥博罷為吏部尚書觀文殿大學士知許州

梁適求援闕寺馬遵彈之雖

遵有補外之行而適終負去位之愆况上久知清議弗

平乎

至和元年五月平章梁適罷先是殿中侍御史馬遵等彈適奸邪貪黷任情徇私上知清議弗平乃

罷之馬遵等皆出補守倅適之得政中官有力焉及遵等極言其過左右或言御史据拾宰相自今誰敢當其

任者此見於至和之時也劉沆挾私趙抃力沮

劉沆在相疾言官屢

加裁抑出范師道其趙抃張鼎言沆挾私出御史罷相知應天府

執中剛愎蔡襄面斥

蔡襄言執中剛愎不才不可任以政

甚者富鄭公一代名臣初年拜麻士

夫相賀且不免韓絳之議則清議凜凜於朝廷之上誠

可畏也

嘉祐六年歐陽脩言景祐中范仲淹言宰相呂夷簡貶知饒州皇祐中唐介言宰相文彥博貶

英州別駕至和初呂中復呂景初馬遵言宰相梁通並罷職出外其後趙抃范師道言宰相劉沆亦罷職出外

前年韓絳言富弼罷知蔡州今又唐介五人言陳升之得罪自范仲淹貶饒州後至今二十年臺諫未聞有規

諫人主而得罪者臣蓋謂方蘇子由嘗曰申公非諸賢今諫人主則易言大臣則難

並攻其短其害必有甚則臺諫不惟有益於人國其於

相業亦不為無助

見上

自議者以私說日勝輕議臺諫而

風采言論非復前日之舊

見上子由龍川志云云

妄行新法此宰

相之過也臺諫爭之宜矣而反補外焉

熙寧間王安石為相行新法臺

諫相繼論列盡出補外臺中為之一空

邊事失實此宰相之尤也御史論

之當矣而反左遷焉

見下

嗚呼諫官御史敢攻人主不忤

權臣傳公此言誠有激而云也

元祐二年御史張舜民因論邊事言文彥博照

營劉奉世失實罷判登聞鼓院自古諫官御史之患在敢攻人主之短不敢忤權臣之意如舜民者宜被擢賞

而反蒙廢黜豈所以勸忠義之節哉傳堯俞傳吾觀後來之事則知仁祖之為

國慮豈不遠哉雖然仁宗盛時臺諫所以敢言者雖曰人主崇獎之誠亦大臣優容之公夷簡非仲淹所斥乎

夷簡復相且曰仲淹賢者朝廷將用之此言豈易發耶

康定元年范仲淹復舊職會夷簡復入朝言於仁宗曰仲淹賢者朝廷將用之豈可但除舊職耶即除龍圖閣學士陝西安撫使仲淹謝曰向以公事忤相公不意相公乃爾獎拔夷簡曰夷簡敢以舊事為念彥博

非唐介所攻乎彥博復相乃曰召臣未召唐介臣不敢

行此言豈易得耶

元豐中潞公留守西京唐介之子義問元運判潞公謂義問曰仁宗時先



參政為臺諫以言某謫官某亦罷相未幾復召還相位  
其上言唐某所言正中臣罪召臣未召唐介臣不敢行  
仁宗以某言起參政  
通判潭州尋至大用之二君子者其真古大臣用心歟

愚觀徂徠之頌蔡襄之詩因三詠三嘆於慶厯宰相臺

諫云

石介作聖德詩誦慶厯諸賢如行殊昌朝仲淹脩  
靖得象襄弼王素蔡襄作諫官詩云御筆新除三

諫官紛然朝野盡相  
歡素脩靖三諫官也

### 參政

黃樞貳職侍講金華紫府宏深參謀玉鉉

陳希烈制詞云是職

也豈非師尹之副歟按漢表御史大夫掌副丞相則今

參貳之意也

漢百官表上御史大夫秦官位上卿銀印青綬掌副丞相按唐表參預

參議得管朝政則今參貳之名也

唐宰相表魏徵以秘書監參預朝政褚遂

良以黃門侍郎參預朝政

夫惟貳於相職則小大相通長貳合議盡

推車協力之忠効同舟共濟之義相曰可參曰不可參

曰然相曰不然則天下無不舉之事矣嘗觀宣帝之任

御史大夫也本始地節四五年間丞相韋賢御史大夫

魏相也是為長寬而貳嚴地節神爵八九年間丞相魏

相御史大夫丙吉也是為長嚴而貳寬神爵五鳳三四

年間丞相丙吉御史大夫蕭望之也是為長寬而貳嚴

並漢百官表上

同異相濟寬嚴相用不過適中而已此所以成

中興之績又嘗觀太宗之任叅預等官也正觀三年房

元齡為尚書左僕射魏徵以秘書監叅預朝政元齡謂

創業為難徵謂守成為難故彼此異議而不嫌

房元齡傳帝問

創業守成孰難元齡曰創業則難魏徵曰守成為難帝曰元齡從我定天下見創業則難徵與我安天下見守

成為不易正觀四年元齡尚為僕射蕭瑀以御史大夫參議

朝政蕭瑀偏駁則元齡裁正元齡過失則蕭瑀痛劾故

議論相規而不恕此所以成造業之功

蕭瑀傳正觀四年瑀為晉州都

督遼御史大夫參預朝政瑀意或偏駁不通用法深房元齡魏徵溫彥博顧裁正之會元齡等小過失瑀即痛

劾

然漢之御史大夫不副丞相皆有覬覦謀陷之心

杜佑

通典漢御史大夫不求副丞相多陰毀丞相欲代之

唐之參議參預名曰副貳實

無異宰相之任

錢若水曰按唐故事裴寂參知政事杜淹參議朝政魏徵蕭瑀參議政事劉洎

參知政事劉幽求參知機務並宰相之任今陶穀不能遠引乃以參政下丞相一等失之然則名實

相副長貳協濟者其惟國朝乎國初相權太重擇官為

副倣唐參知參議之名而立參知政事之官遂命薛居

正呂餘慶為之時乾德二年因陶穀之言也

職畧國朝乾德二年

太祖已相趙普畏其專將擇官以為副而難其名稱召陶穀問曰下丞相一等有何官對曰唐有參知機務參

知政事今可用之遂命薛舊制不押班知印自開寶中

宰相趙普與薛居正輪知於是有押班知印之命

初不宣制

不押班不知印不升政事堂上令就宣徽院使廳上事殿庭別設碑位於宰相後勅尾書銜降宰相數字月俸

雜給皆半之此乾德之制也至開寶六年詔押班知印及祠祭行香令宰相趙普與薛居正輪知舊制

不升政事堂自咸平中宰相呂端與寇準同事於是有

得升都堂之例

至道元年詔宰相使相視事及商議軍國政事並得升都堂先是呂端寇準並

為諫議大夫參知政事至是端相而準尚參政端慮準不平且言兄餘慶任參政曰悉與宰相同願舉行之從請至元豐以門下中書侍郎尚書左右丞為參知政事

之職至建炎罷左右丞而門下中書侍郎即為參知政

事之名此事權輕重制度沿革之由也

元豐官制罷參知政事以門下

中書侍郎尚書左右丞為執政建炎三年呂頤浩請將元祐司馬光併省奏召侍從參議孫覿等請以門下中書侍郎並參知政事而咸罷尚書左右丞焉職畧及中興會要愚之所以深喜者有協

同而無扞格有相維而無相激相有舉事之非則為參者抗議正救不曰越職參有建議之失則為相者廷爭

力辨不曰侵官此非古者相規之意歟故景德魏州之

守此時蓋無方略可展中書萊公以一言勉參政欽若

則即日就道不敢辭難

東軒筆錄真宗之次澶淵也語萊公曰敵騎未退何人可為朕

守魏萊公曰當此之際無方畧可展古人有言智將不如福將臣視參政王欽若福祿未艾宜可為守於是即時進語出勅遂召欽若諭以上意欽若茫然自失未及有言公遽曰主上親征非臣子辭難之日參政為國柄臣當體此意遂酌大白飲之命曰卒能成勝敵之功者上馬盃欽若不敢辭飲訖拜別

伊誰之力

同上或云王公數進疑辭於上前故萊公出之以成勝敵之績耳

慶厯西事

之興此時諸臣皆有退避呂夷簡復相范仲淹除參政

行邊二公相歡戮力平賊卒能受元昊之款者伊誰之

功

范仲淹神道碑呂公復相公亦再起被用於是二公歡然相約戮力平賊又公安撫陝西欲為取雲夏之

謀夏人已請臣公以疾請鄧州

元祐初年司馬拜僕射公著除左丞熙

寧弊法同心力革而不恤朋黨之禍

言行錄

元祐四年純

仁為僕射王存除左丞竄逐蔡確合力固爭而不顧罷

黜之命

名臣事實王公存傳云云

此數公相協之效然也至所見或

異所議不同則互相正救不敢為苟同之習是故范公焚書之事參政宋庠謂可深罪而呂文靖曰止薄責之



是相得詰其參之非也

記聞范文正知延州移書諭元昊以利害元昊復書語極悖慢

文公具奏其狀焚其書不以聞時宋庠為參知政事一日許公從容言曰希文大臣擅與元昊書得其書又焚去不奏它人敢爾邪宋公以為許公深罪范也時朝廷命文正分析文正奏臣聞敵有悔過意以書誘諭之會任福敗敵勢益振故復書悖慢臣以為使朝廷見之而不能討則辱在朝廷乃對官屬焚之奏上兩府共進呈宋公遽曰范仲淹可斬杜祁公為樞副曰仲淹之志出於忠果欲為朝廷相勅厲爾何可深罪上問許公何如許公曰杜衍之言是也止可薄責而已

王守忠空頭之簽韓公出勅只令

參書參政趙公槩難之是參得難其相之行也

聞見錄有入內

都知王守忠者姦邪反覆間諜兩宮司馬溫公等請誅之韓魏公一日出空頭勅一道參政歐陽脩已簽書矣

參政趙公蔡難之問歐公曰何如歐公曰第書之韓公必自有說魏公坐政事堂以頭子勾守忠立庭下數之曰汝罪當死責蘄州團練副使安置取空頭勅填之差使臣即日押行其意以謂少緩則中變矣 六曹

吏額之議呂丞相則置房都省劉門下則錄黃過門能使上意曉然者劉之力也

名臣事實  
劉摯傳

蒲宗孟尚書之命

三省則奏除蘇執政則力爭不可能使朝廷稍安者蘇之言也

名臣事實  
蘇轍傳

嗚呼一謀議之當則協力胥濟不為

築室之疑一舉動之失則相規無私不為濟水之同賢矣哉先正用心也若夫丁謂除參萊公推轂也親拂相

鬚狗苟取媚萊公所宜面責未幾銜怨忍為下石之謀

遺事萊公嘗語所親曰丁生誠奇材惟不堪重任公為丞相謂參知政事嘗會食都堂羹菜公鬚謂起拂之公正色曰身為執政而親為宰相拂鬚耶謂惠卿除參判慙不勝公性正直不悅巧佞故卒為所陷

公力薦也稍至得意反覆陷寘荆公再相於是詔獄恐

為彎弓之計何慘耶初呂惠卿為荆公所知驟引至執政荆公去惠卿遂背之泊荆公再

相於是起華亭詔獄而使徐禧王古蹇周輔三輩按之惠卿情不得練亨甫呂嘉問以鄧綰所脩惠卿事交聞其間復為惠卿取中語連荆公子雱雱時已病坐此憂憤而卒荆公再求罷去噫丁呂小人也

始之比周以勢利而附後之立異以勢利而叛其視諸

賢相協相正之風亦少愧哉

三司

嘗觀三司沿革之由矣度支本唐戶部之郎耳自宰相

兼判係以使名而度支之權始重此其一變也

百官志度支郎

中員外郎各一人掌天下租賦物產豐財之宜又呂誼傳乾元二年擢誼同中書門下平章事三月知門下

省兼判度支唐宰相兼度支自誼始鹽鐵亦唐戶部之郎耳自御史分務

吏至萬員而鹽鐵之權愈重

吳武陵傳諫曰云云鹽鐵度支亦戶部郎爾今三分

其務吏萬員皆御史員外郎為之今又加使權其務是御史員外郎久於事反不可信此其再變

也接于五代鹽鐵度支戶部皆專使總領曰三司而鹽

鐵又升戶部度支之上此其三變也

鹽鐵戶部度支在唐五代皆專使領

皇朝方設副使以三司使總之故號三司鹽鐵副使其度支戶部亦如之

然則戶部之職一

變而判以宰相再變而主以他官三變而為三司而所

謂三司使者乃其三變之餘爾國朝立極五季弊政掃

除殆盡而獨一二僅存殆有深意焉蓋我朝以宰相主

民樞府主兵三司主財國家大務莫重三者故不得不

專其職也有正使位亞執政官稱省主有副使位亞待

制者稱省副外此有判官其員有二資序視轉運有子

司其員有六資序視提刑通稱曰省判吏員之多寡然

也國朝沿五代後唐之制置三司使以總國計應四方

部號計省使位亞執政目為計相官稱省主其恩數廩

祿與參樞並鹽鐵度吏戶部本唐五代皆專使領皇朝

方分設副使以三司使總之位亞特制及稱省副恩數

同夫卿監逐司各置判官二員號三司鹽鐵判官三司

度吏戶部判官以佐副使視轉運使資序又有三司判

官六員謂之子司視提刑資序各主一司謂開折司勾

覆磨勘司兼憑由胄案兼刑案修造案河渠案各號三

司判官管勾開折司或衙司公事之類以專職也乃通

判省在太平興國則分而為三

太平興國八年始分三

司為三部各置使王明

為鹽鐵使陳從信為度支使郝正為戶部使雍熙三年  
詔三司錢穀公事自今並預計定合行與否具狀聞奏  
不得復在淳化則合而為一淳化三年五月詔罷鹽鐵  
度支戶部等使三司但置

使一至至道因陳恕之奏復有三部之分  
至道二年陳

部各設主又咸平命寇準之充復有一使之置  
咸平六

三司各置使局不相總統彼此自求充濟至於出納移  
用則專名指執動相違戾六月始併鹽鐵度支戶部為

一使命寇準充官職之分合然也曰長若屬皆不輕授蔡文忠

之在仁廟進士第一欲擢政府先除正使呂申公之在

英廟館閣有聲欲寘禁從先除判官長貳之選用然也

蔡龍圖官制祖宗舊制選除執政侍從必先選歷錢穀  
蔡文忠公由進士第一亦嘗自三司度吏副使權拜起  
居舍人知制誥乃至翰林學士權御史中丞章獻明肅  
皇后遺詔令楊太后繼垂簾同聽是時仁宗年二十四  
文忠公力諍之方親決萬機即欲權參大政尚書除權  
三司使數月乃拜樞密副使元祐宰相呂申公在至和  
間任館閣禮官已有賢名嘉祐中朝廷欲寘之禁從按  
其歷任未嘗經錢穀乃先除戶部判官居數月進脩起  
居注旋召試知制誥可見  
待三司使暨僚屬之意

### 至事權之不分利源之歸一

隱然有周官理財之意又豈唐與五代所能髣髴萬一  
哉夫夏官之冑案秋官之磨勘衙司冬官之脩造河渠  
自唐五代以來而地官之所不與我朝悉屬三司故造



作軍器屬之胄案土木之役屬之脩造河防之役屬之河渠國家財用之出無大於三者而今皆得總焉均節制度檢柅耗蠹而不為他司之所用此財之所出者三

司得統之矣

蔡官制唐地官設度支金部倉部戶部唐末省官分置使五代專以鹽鐵為理財之

要分在二省之屬今之金部也度支主用度戶部主版籍故次之其子司磨勘在比部銜司乃今都官皆隸秋官胄案乃今庫部屬夏官修造乃今工部河渠乃今水部隸之冬官地官不得統焉皇朝盡付三司者可見立功以實不以文也開折司兼管綱運銜司考所掌之財勾磨財計檢察憑由悉歸磨勘造作軍器則胄案主行土木之工隸修造河防之役則河渠行之外之諸路轉國家之費無大三事為蠹矣必三司按之

運內之私帑儲蓄自唐五代以來而地官未必盡與我朝盡歸三司故漕運督集財賦之權三司制之內庭分貯羨餘之財三司亦領之國家財用之入無大於二者而今皆得總焉公私通融內外統一而不為他司之所分此財之所入者三司得統之矣

蔡官制本朝分路設漕運使副判官付以

按劾之權皆督集財賦悉隸三司凡經費羨餘轉運官獻之三司盡輸都城積于左藏庫別有科名決分貯內

庫者皆三司使總之自熙寧變新法而三司之職已壞自元豐改

官制而三司之權盡失噫惜哉

同上以此論之三司使之職不待改官制而失

其權自熙寧更變新法之時已壞矣况政和之後以勾當為承受實領邦計以便宣取而戶部尤難守其職掌

焉是故方雍熙之變法也所遣使者盡出相門皆務聚

歛取悅廟堂而三司不得制御前置簿盡籍總數帑藏  
盈溢侈心易生而三司不得防外則常平免役坊場河  
渡之資皆號朝廷封樁內則歲課上供之數皆別創庫  
藏貯而三司並不相關故漕司之趣辦而不隸三司之  
勸沮內庭之積貯而不關三司之參攷向之三司皆總  
財之所入者安在哉此在龍圖嘆其熙寧變法三司無

權勸沮漕司無案開防用度者此也

蔡官制曰熙寧遣使盡出於宰相之

門皆務聚歛以悅廟堂要重賞而取美官非若三司撫此權以動人則漕臣亦不敢橫歛也邦計所入有常可絕人主之奢費安石乃置房通籍於御前盡籍國帑之數在神宗恭儉郡國帑藏率皆盈富至崇寧後蔡京自號制禮作樂往往蠹國勸以奢廣而又宦者各專局應奉及淫巧繕修與夫除戎器脩河渠凡此之類皆不先關戶部非若三司有專案以關防也同上又安石為相與三司分權凡賦稅常貢征權之利方歸三司摘山煮海坑冶權貨戶部沒納之財悉歸朝廷其立法與常平免役坊場河渡禁軍關額地利之資皆號朝廷封椿又有歲科上供之數盡運入京師別創庫以貯之三司不預焉

方元豐之改制也三司

之胄案為軍器監而繕治械仗之費戶部不得聞三司

之脩造案為將作監而百工興作之用戶部不得攷三  
司之磨勘歸於比部並隸刑曹鈎考戶部皆不得知故  
他司辦事為效而不恤財之有無戶部以給財為功而  
不論事之當否向之三司得攷財之所出者安在哉此  
司馬公言其改官制以來五曹得以自專而戶部不能  
制者此也

南窓記談嘉祐中大水取三司河渠案置都水監元豐官制以三司胄案之事歸之軍器

脩造案之事歸之將作三監皆隸工部於是戶部所掌版籍財用三事而已元祐中蘇子由為戶部侍郎請都水將作軍器三監皆隸戶部凡三監有所為戶部定其事之當否裁其費之多寡而工部監其工之良楮程其

作之遲速朝廷從之按唐度支使杜佑奏繕歸之將  
作木炭歸之司農染練歸之少府計司兼領他職自唐  
已然不得云出於祖宗之意凡子由所諫者皆佑之釐  
正也豈時移事異固不聞耶又溫公言戶部尚書三司  
使也而左曹隸尚書右曹不隸尚書矣天下之財分而  
為二無專主之者誰為國家愛惜乎又云自改官制以  
來置尚書六曹二十四司及九寺三監將舊三司所掌  
散在六曹及諸寺監應支用錢物五曹得以自專百司  
得符即時應副雖然今之戶部尚書即昔之三司使也  
而戶部不能制  
左右曹之侍郎即昔之副使也郎中貲外即昔之判官  
子司也國初因仍五代第為權宜之舉今之復唐舊制  
正為經久之謀豈得以罷三司歸戶部為非古哉第事

權之分合利源之通塞如何耳使其能久其任有如陳

晉公之為三司十有八年號真鹽鐵萊公之在三司前

後事件類為方冊何患事之不舉

陳晉公為三司使十八年精於吏事晚年

薦寇萊公自代真宗用萊公為三司使以晉公為集賢學士萊公檢尋晉公前後事件類為方冊及所至榜示躬至其第請晉公判押自是計相無不循其舊貫至李總為三司使始改茶法而晉公規模漸革向之榜示亦除削能重其職有如程琳為使禁中有取覆奏罷之景祐

元年程琳為三司使禁中有所取琳覆奏罷之內侍王言琳專琳曰三司財用皆朝廷有也臣為陛下惜爾王

堯臣之為使閤寺橫歛輒奏止之何患其弊之不革

慶曆

三年四月王堯臣為戶部郎中權三司使事堯臣始受命言於上曰今國與民皆困矣在陛下任臣者如何因請自擇僚屬上納其言堯臣果以治上聞五月入內都知張永和建議請收民房錢七之三以給軍費事下有司堯臣持不可因上言曰此衰世事唐德宗所以致朱泚之亂者鹽鐵副使林維張永和勢助之甚力堯臣奏乃定

鐵維議能專其事有如鄭戩居省半載而得羨餘四百

萬緡

康定元年鄭戩在三司未半歲復漕運考課格分別殿最又勾校三司出入得羨錢四百萬緡張

方平主計未朞而京師有五年之蓄何患其用之不豐

嘉祐九年八月張方平為三司使遂畫漕運十四策宰相富弼讀方平奏上前畫漏盡十刻侍衛皆跛倚上太息稱善弼曰此國用大本非常奏也悉如所啓施行退謂方平曰自慶厯以來公論食貨詳矣朝廷損益必以



公奏為本其後未甚不然亦徒動元祐諸賢拳拳之請

也

司馬溫公蘇子由奏見上

### 侍從

昔歐陽脩進言曰侍從之臣論思為職

嘉祐三年三月歐陽脩言學士

侍制號為侍從之臣所以奉閒宴備顧問以論思獻納為職自祖宗以來尤所精擇苟非清德美行藹然衆譽高文博學獨出一時則不得與其選是以選用至難員數至少官以難得為貴人以得職為榮縉紳人望既隆則朝廷之體增重而後用人亦易員數不

少今自觀文殿大學士至待制並立定員

**范純仁抗疏**

曰侍從之官是亦論思

熙寧二年四月同知諫院范純仁言今兩府之下則有侍從官

實古九卿之職是亦朝夕論思同國休戚今朝臣將主  
判司存使為已之職事寵亞四輔報同庶僚人情既習  
因循朝廷不加考校或有時政得失惟能退有後言處  
之不疑自同胡越乞降詔督責凡朝廷闕失並須論列  
有所上章疏付政府銓定量加賞罰上與安石為然嗟夫佩持荷橐對立松楸承  
清燕之雍容親龍光之密勿莫親於侍臣之職固也然  
潤色典誥主判司存謀議政事參決疑難孰非侍臣責  
也二公者置而不言一則曰論思二則曰論思何耶我  
知之矣夫人主深宮退處之時侍左右者雜薰腐便嬖  
之習悅耳目者多綺羅妖冶之色使王所皆居州而誰

與為不善無人於穆公之側則退而寒之者至膺是選者其可不以正掾君心切劇聖德為已任哉昔漢之侍中大夫非侍從之選乎出入禁闥掌直承明謀議辨論中外相應似也夫何俳優不根之論莫能勝義理之文詞賦虛誕之作不過狀陸離之景卒使神仙之心方啓而征伐之志益銳者司馬相如嚴助東方朔之流不能

論思之失也

嚴助傳後得朱買臣吾丘壽王司馬相如主父偃徐樂嚴安東方朔枚臯膠蒼終軍

蒧奇等並在左右是時征伐四夷朝廷多事上令助等與大臣辨論中外相應以義理之文大臣數詘其尤親

幸者東方朔嚴助枚臯吾邱壽王司馬相如朔臯持論不根上頗俳優畜之

唐之學士待制

非侍從之職乎晨趨青瑣夕宿嚴衛上備顧問次典議

論似也夫何應制擢辭者

李

第以靡麗之文賦詩估酒

者

張洎

殊失操脩之行卒使梨園之樂汨亂聰明沉香之

章轉移心術者李白張洎之流不能論思之過也

並本傳

國朝責任之意蓋與漢唐異矣王駿之為待制忤意李

良杜行之為待制不誌薛顏可以言侍臣之任乎曰未

也

天聖九年閏十月王駿杜衍並為天章閣待制初馬季良建言京師賈人常以賤價居茶鹽引請官置務

取市之季良方用事有司莫敢忤其意駁獨不可曰與民競利豈國體耶他日上見駁勞之曰官市交引賴卿力言罷之甚善有司臨事當如此薛顏死其家屬衍為墓誌衍卻之及在三司因奏事上謂衍曰薛顏有愧衍卿不與誌墓

楊億之為翰林揮翰如飛陳彭年之為翰

誠清職也

林詞筆優長可以言侍臣之任乎曰未也

楊億真宗朝為翰林學士

揮翰如飛文不加點

又祥符六年陳彭年為翰林學士上曰彭年詞筆優長人鮮及者

蔡齊之為

學士不媚近習劉筠之為學士不奉權貴可以言侍臣

之任乎曰未也

天聖六年以學士蔡齊知河南府羅崇勳趣上脩景德寺記曰參政可得也齊

不上崇勳譏於太后命齊出又天禧二年丁謂復相召學士劉筠草復相制筠不奉詔乃更召晏殊殊遇筠側

面而過蓋有愧也  
吾觀熙寧之詔曰侍從自今視朕過失極言

無隱

熙寧因范純仁之請乃詔侍從官自今視朕過失與朝廷事之闕畧具章極言無隱噫言善而不用

朕有闕咎道久而弗言爾為不恭將用此考察在位所以事君之實而為黜陟焉

又觀淳熙之

詔曰侍從自後事有過舉盡忠極言

淳熙八年八月壬子召侍從官王希

以下頒示御札曰朕謂侍從之臣當以論思獻納為任自後事有過舉政有缺失卿等即宜盡忠極言或求對或入奏務在嗚呼聖朝責望之意蓋如此縉紳其可不當理而後已

以是自勉歟是故司馬溫公之除翰林也脩心之諫首

論仁勇治國之諫歷陳賞罰溫公獻納之意切矣觀其

不拜樞密之言曰臣為侍從於天下事無不言者可見

也

溫公行狀神宗即位除公為翰林學士公上疏論脩心之要三曰仁曰明曰勇治國之要三曰官人曰信

賞曰必罰其說甚備且曰臣昔為諫官即以此六言獻仁宗其後以獻英宗今以獻陛下餘見言行錄公拜樞密副使上章力辭至六七曰誠能罷置條例司雖不用臣臣受賜多矣上遣人謂樞密兵事也公言臣未受命則猶侍從也於范文正公之除待制也百官之圖不思事無不可言者

時宰四論之獻極指弊政范公論諫之意厚矣觀其諷

丞相之言曰論思侍臣之職予敢不勉可知也

景祐元年徙蘇

州為天章閣待制仲淹自還朝言事愈亟宰相使人謂之曰待制侍臣非口舌任也仲淹曰論思侍臣職也余

敢不勉景祐六年時呂夷簡執政進者往其門仲淹上  
百官圖夷簡不悅又為四論以獻一曰帝王好尚二曰  
選賢任能三曰斥名四曰推委大抵譏指時政夷簡  
大怒以仲淹語上於帝前訴仲淹越職言事 怨女

三千放出宮死囚四百來歸獄李昉之為侍臣誦此以

規其君何忠也

太宗語侍臣曰朕何如唐太宗李昉誦白居易七德舞詞怨女三千放出宮死

囚四百來歸獄上聞之曰朕不及朕不及卿言警朕矣

王輦經年不遊幸上林花

好莫爭開歐公之居從臣詠此以諷其君何直也

高宗時蔡

崇言歐陽脩立朝以諫諍為心若春日帖子蓋臨禁門  
戶後除祈祝之辭異時作者不過頌德歌福而已至脩  
乃中含規諷嘗讀脩之詞有曰陽進升君子陰消退小  
人勸上以用威斷也有曰玉輦經年不遊幸上林花好



莫爭開戒上不然寵亞四輔報同庶僚寧不愧熙寧諫以節盤游也

官之言乎

上見

抑又論之箴規闕失縉紳責也獎借風采

廟堂責也蔡襄直言有補時政多矣一為至和權臣中

傷甘心請外以求避

至和二年六月趙抃言天子南面之尊左右前後須得正人賢士為

之羽翼朝廷有大賞罰可以諮訪有大闕失可以裨益有大急難可以謀議有大禮法可以質正抃蓋論蔡襄吳奎等請外以避權要中傷不當聽其去

范希文賢者有裨君德多矣景祐

大臣且戒其侍臣非口舌之任

上見

殆何嘗欲書掣肘乎

此愚又拳拳於廟堂之責

## 兩制

天子私人世以為貴榮矣哉鑒坡之選也

五代職官志選用益重號

為內相又以為天子私人入院一歲遂知制誥

宰相判官世所推重榮矣哉鳳

閣之選也

呂陶言中書舍人前世推重謂之宰相判官豈曰序遷

然嘗究設官之

源流矣承明直廬侍中為文是西都制誥第以侍中掌

之

漢嚴助厭承明之黨補外郡召歸侍中復使為文本傳

明光奏事尚書為誥是

東都誥令但以尚書郎職之

通典注漢尚書郎直宿建禮門奏事明光殿下筆為

詔誥出語為誥令

是時翰學中舍尚未置員至魏設中書之官

南朝以來相仍不改出則宣命入則參決於是有中書

舍人之職

通典魏置中書通事舍人東晉省宋初復置通事舍人四員入直閣內出宣詔命凡有陳

奏則舍人持入參決於中梁用人殊簡以才能不限資地多以他官兼領後除通事字直曰通事舍人自是詔

詰之任舍人專之唐武德改中書舍人置六員至唐立學士之官開元以來改

稱翰林學士之職

通典

自太宗時召名儒學士草制然猶未有名號乾封以後始號北門學士元宗初置翰林待詔掌四方表疏執答應和文章繼以詔勅文詔悉由中書多壅滯始還朝官有詞藝學識者入居翰林供奉別旨然亦未定名制勅書詔猶分在集賢開元二十六年始以翰林供奉改稱學士則建學士院於翰林院之南俾掌內命其後又置

東翰林院於金鷲殿之西此制度沿革之由也嗟夫發  
隨上所在選用益重職林

揮白麻稱曰內相

見上

典掌紫泥號為一佛

神宗重內外制之任嘗謂

左右曰詞臣之選古今所重朕早聞人言朝廷命一知制誥六姻相賀以謂一佛出世

誠古今清

華之選若非德望隆重才猷穎拔其何以稱是職哉正

諫自任閹宦知懼

李絳為翰林學士孜孜以正諫為已任中官縱肆皆憚之

草詔一

下士卒感泣

陸贄為學士從幸奉天

固無愧於翰學之

任然騎鯨之怪孟浪之檢豈不為謫仙之累

唐李白傳白為翰林

學士帝愛其才後浮游四方於采石騎鯨捉月而死

解事舍人明練事機

齊濟古誼

時號解  
事舍人

文場元帥獨擅聲價

張九齡

固無歎於中書之除

然集蠅之揮輕鄙見斥豈不為元稹之辱若人也其有

負寵任之意多矣

憲宗用元稹知制誥朝論鄙之會同僚食瓜於閣下有青蠅集其上中書

舍人武元衡以扇揮之曰適從何來遽集於此

國朝未改官制之前翰林學士

帶知制誥者乃其為內制之職而他官帶知制誥者為

外制之職若不帶知制誥而但為翰林中書者是特寄

祿官之稱官制既行則翰學中書自為職官不復帶知

制誥之銜然國朝所選兩制名儒彬彬實異於唐且畢

士安之與張洎均之為才士也我太宗之選翰林用士

安而不用洎以士安有德行而洎特有文之士爾

太宗以畢

士安為翰林學士初執政欲用張洎上曰極知張洎文學不下士安第德行不及爾

楊億之與梅

詢均之為文人也我真宗之選知制誥用億而不用詢

以億望實素著而詢特險薄之人爾

咸平四年三月禮部郎中薛映兵部

員外梁鼎左司諫楊億並知制誥初上欲用梅詢宰相李沆言詢險薄億望實素著遂與薛映梁鼎並命云云

北門深嚴非可輕任寧用竇儀而不用杜韓蓋酣酒無

取也

乾道二年上謂宰相曰北門深嚴當擇審重士處之范質曰竇儀清介謹重上曰禁中非此人不可

時宰相欲用杜韓質曰近王著以酒失罷去韓之嗜酒尤甚豈當用邪

西掖典司非可序

遷寧用劉放而不用曾肇肇蓋操履偏詖也

元祐元年十一月曾

肇為中書舍人王巖叟言未行官制以來謂之知制誥專行誥詞不預政事自改官制遂為中書屬官肇之凡材何以稱職及劉放除中書舍人巖叟又言近劉放命下之日無賢不肖莫不稱為得人今既有中書舍人兩員肇可汰去呂陶又言肇操履偏詖藝文浮淺今乃擇居西掖外則典司誥命內則分押諸房前世推重豈可序遷輒以翰學可矣然躁競求進則拒之以虛授范杲獻記擢以翰學可矣然躁競求進則拒之

而不入

知制誥范杲數致書宰相求入翰林嘗出一篇示李昉曰先公謂杲才任學士故付杲於是獻

玉堂記請備其職上

林希有文處以中書可矣然諂附

惡其浮躁不使居內

無恥則斥之而不容

元祐元年九月林希為中書舍人王觀言希雖博有文藝素號險巧

當王珪用事希意諂附無所不至復為韓縝鷹犬與張璪交結何可代言禁掖詔中書時暫闕官噫祖宗

之選用固嚴矣而兩制之所自處者將以文學為貴耶

抑亦職位為榮耶否則以踐履操守為重也且文章典

雅有三代風

張方平在翰林上手札義之曰卿文章典雅煥然有三代之風

文詞醇深

有西漢風

溫公年譜云無所不通文詞醇深有西漢風神宗初擢為翰林學士

何粹也史

館進碑驚為神速

國初王祐拜中舍受史館詔普照王碑經宿上進中外驚其神速西

垣視草嘆曰奇材

蘇軾

何奇也然文藻之粹詞翰之奇未



可為兩制之盛四字寵名御筆親書

淳化二年蘇易簡續翰林志二卷以

獻上嘉之飛白玉堂之署四字付易簡榜之廳額永為翰林美事

七言賦詩御筆親製

學士楊億疾在假御筆七言詩有副子側席待名賢之句何寵也王呂父子俱掌紫

誥春明退朝錄父子掌誥國初至熙寧元年凡九家李文正昌武王兵部文正王思謙安簡鼎文元文莊錢

希白修懿梁翰林莊肅呂文靖公夷簡宋宣獻公敏求蘇儀甫子容此九家也韓曾兄弟親草

黃麻本朝第草兄制惟韓氏與曾子固無他比也公論榮之

何貴也然恩禮之寵

家世之貴未可為兩制之重切嘗求翰學之榮矣冊妃

之命所當從也而宋祁不肯草

宋景文初入翰林當張貴妃制初行冊禮而祁

以詰進妃怒抵于地曰何冊后之命所當奉也而楊億

學士敢輕人落職知許州

不肯草

真宗議冊皇后上欲得楊億草制使丁謂諭旨曰大年勉為此不憂不富貴億曰如此富貴非

所願也乃命他學士草制之

丁謂再相之麻筠不奉詔

丁謂復相詔學士劉筠草

復相制筠不奉詔乃更召晏殊殊遇筠側面而過盖有所愧

崇勲招提之記齊不進

藁

天聖六年以翰林學士蔡齊知河南府羅崇勲趣上脩景德寺記曰參政可得也齊隱其記不進崇勲怒

譏於太后命齊出守

夫內制翰學之責也今啗以利祿而不從迫

於權貴而不徇其操守何如哉非榮乎又嘗求中舍之

榮矣丁謂除參中書告以降麻舍人反以草制雖拂權

勢不恤也

丁謂自保寧軍節度使知江寧召為參政中書以為當降麻盛文肅為學士以為當草制

竟以制除

呂弼罷樞丞相力請命詞舍人力請用麻雖

拂廟堂不顧也

舊制執政罷政樞密使除宣徽使轉一兩官除藩府其次除觀文殿學士皆宣

麻熙寧間呂惠公弼因爭新法求去王安石陰沮之乃選舍人院命詞蔡齊掌外制繳詞頭舉典故論之安石

勸上内批今後樞密罷更不宣麻蔡元豐中馮京以樞密使改除節度使乃宣麻蔡龍圖官制

遂國之

命創例封還

國初舍人主行文書封還詞頭者蓋鮮康定間劉從德遂國夫人初以后族出入禁

中一日削其國封久之中旨還封富弼當制封還詞頭朝論謂無近比然多是弼者後歐陽脩援例封還張可

久詞

李定之詞相繼繳駁

四朝國史李定以資淺入臺宋敏求蘇頌相繼封還詞命

次呂大臨亦還之世  
稱為熙寧三舍人

夫外制中舍之任也今抗大臣而

不奉任衆怨而不從其節槩何如哉非榮乎故曰錫宴

賡詠不足為蘇翰林賀而忠孝一生心之詠君子以為

賀也

太宗蘇易簡為翰林錫宴賦詩太宗詩曰君  
臣千載遇易簡賡云忠孝一生心太宗喜之揮翰

如飛不足為楊制誥喜而願秉忠清節之詩君子以為

喜也

真宗朝知陳州召還知制誥又歸田錄大年揮翰  
如飛文不加點又嘗試中書詩云願秉忠清節終

身立聖朝宰  
相表賀云云



古今源流至論後集卷二